

IMAQARNILIAQ MAA - Meeqqanut Atuarfeqarnermullu Ataatsimiititaq 07-05-2019

Ulloq ataatsimiiffissaq Tirsdag 07. maj 2019 kl. 18:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Ulluunerani neqerooruteqarneq pillugu killiffik, aprili 2019.....	7
Kivitsisa pillugu killiffik.....	12
LøkkeFondenimik suleqateqarnermik aallarnissaaneq.....	16
Tasiilami atuartunut angerlarsimaffimmi aqutsinikkut perorsaanikkullu suliniutinik aallartitsineq.....	22
Aalajangiiffigisassat.....	26
Tasiilami majuartaateeqqamik pilersitsinissamut siunnersuut.....	27
Suliat Aningaasaqarnermut Inuussutissarsiornermullu Ataatsimiititamut.....	30
Tasiilami nunaqarfiinilu meeqqerivinnut isaatitsineq pillugu ilisimatitsissut.....	31
Ulluunerani neqeroorutini inissanik qulakkeerinnineq pillugu ilisimatitsissut.....	34
17/18-imi ukiumi atuarfusumi atuarfiit pitsaassusii pillugit nalunaarusiaq.....	44
Aalisakkanik sapigalinnut meeqqerivimmik aalisagartorfiunngitsumik pilersitsineq.....	48
”Ilinniagaqartut meerallit paaqqinnittarfinni meeqqatik paaqqinnittarfinniitinnissaannut pitsaanngin	51
Taasariaqartut allat.....	55
Suliat matoqqasut.....	56
Lukket.....	57
Imaqarniliap akuerineqarnera.....	58

IMMIKKOORTOQ 0: Saqqa

Henrik Rachlev (IA)
Knud Mathiassen (IA)
Uju Petersen (IA)
Thiiooq Knudsen (S)
Michael Rosing (SA)

Beslutning

Uju Petersenip(IA) sinnisua Inge Olsvig Brandt (IA) aggersarneqarnikuvoq. Henrik Rachlev (IA) aammalu Thiiooq Knudsen (S) Paamiuniit oqarasuaatikkut peqataapput

IMMIKKOORTOQ 1: Oqaluserisassat akuerineqarneri

Beslutning

Oqaluserisassat akuerineqarput

IMMIKKOORTOQ 2: Nalunaarutit

2A. Siulittaasumit nalunaarutit

2B. Ingerlatsivimmit nalunaarutit

Beslutning

2A.

uge 18-ni ulloq 02-05-2019. Paamiuni meeqqat angalaaqatigiinnermi oqariartuutaat " Anaana ataata qujanaq." Kommune-
p allaffianut naggasiimmata oqaaseqarfigineqarput.

siornatigut oqariartuutaat " Anaanamik Ataamik " maannakkullu qujanermik saatinneqarnerani angajoqqaat
qujaffigineqarput.

2B.

Soqanngilaq

IMMIKKOORTOQ 3: Ilisimatitsissutit

IMMIKKOORTOQ 03A: Ulluunerani neqerooruteqarneq pillugu killiffik, aprili 2019

Beslutning

Ilisimatitsissut tusaatissatut tiguneqarpoq

Ilanngussat

Bilag 1 Udkast til aftale mellem Kommuneqarfik Sermersooq og Pædagoguddannelsen UCN.docx

Ulluunerani neqerooruteqarneq pillugu killiffik, aprili 2019

Ilisimatitsissut

J.nr.: 28.00.00-G01-40-19

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Ulluunerani neqeroorutitut suliassaqaarfimmit atorfiit inuttaqanngitsut Kommuneqarfik Sermersuumit inuttalersorneqarnissaat ilungersuutigineqarsimavoq. Siusinnerusukkut perorsaasutut, isumaginninnermut ikiortitut meeqqerinermilu ikiortitut atorfiit kisimik ilungersunartorsiorfiusimapput, maannali Nuummi meeqqeriviit perorsaasunik atorfinitsitsiniarnerat ajornaannerulersimavoq, soorlutaaq paarlatsissarsiorarneq aamma ajornannginnerulaalersimasoq.

Suliassamik saqqummiussinermi matumani suliniutit suut suliarineqarsimanersut suliniutillu assigiinngitsut sumut killinersut kiisalu nalinginnaasunik ilisimatitsineq pillugu killiffiuisoqarpoq.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- Ilisimatitsissut Ataatsimiititamat tusaatissatut tiguneqassasoq.

Suliassamik saqqummiussineq

Naalagaaffiit Peqatigiit nunarsuaq tamakkerlugu anguniagaat

Kommuneqarfik Sermersooq Naalagaaffiit Peqatigiit nunarsuaq tamakkerlugu anguniagaat aallaavigalugit periusissiorpoq matumani kommune akimut pingaarnertut anguniakkat takorluukkallu arlallit toqqakkat ilanngullugit.

Sulineq tamanna aqutigalugu Meeqqanut Atuarfeqarnermullu Ingerlatsivimmit tapersersorneqarpoq suliassamillu saqqummiussami tamanna allaaserineqarpoq, tassa meeqqat inuusuttullu siunissarigivut pillugit kommunip takorluugaa. Taamaattumik meeqqat inuusuttullu sullitarinerini kommunimut pingaaruteqartoq tassaavoq, meeqqat pitsaasunik ineriartuutaasumillu alliarternissaat qulakkeerneqassasoq. Meeqqat inuusuttullu alliarternermi iluarisimaarinnissapput, ilaatigut ulluunerani neqeroorutitigut pitsaassuseqarluartukkut, tassa taakku naapertorlugit meeqqat pitsaasunik meeraanissaannik ajunngitsumillu inuunermik aallartitsisinnaaniassagamik ineriartornissaannik isumassorneqarnissaannillu qulakkeernittuusut.

Ulluunerani neqerooruteqarneq pillugu killiffik

Maannakkorpiaq Nuummi perorsaasutut atorfiit inuttaqanngitsut ikiliartorput, naak sulisunik ilinniarsimasunik suli amigaateqaraluarluta ilorraap tungaanut ingerlavoq.

Ullumikkut Nuummi meeqqerivinni perorsaasut atorfiit katillugit 94-it akornanni 13-it inuttaqanngillat, ukiullu kingullit arlalissuit perorsaasutut atorfiit inuttaqanngitsut 20-t 30-llu

akornanniittuaannarnikuullutik. Taamaattumik ukiuni kingullerni taamatut allanngoriartornera pitsaasuuvoq, sulili anguniagaq angunngilarput. Taamaattumik perorsaasutut atorfiit inuttaqanngitsut ikilisarniarlugit Meeqqanut Atuarfeqarnermullu Ingerlatsivik arlalinnik suliniuteqarpoq, aamma tamatumunnga ilanngullugu kommunimi meeqqat sulisullu ulluinnarni pitsaasunik atugaqarnissaat qulakkeerneqassapput kiisalu sulisut suliaminnut pikkorilluinnarnissaat qulakkeerniarneqarluni.

Nuummi isumaginninnermut aamma meeqqanik sullissinnermi ikiortitut atorfiit inuttalersorneqarnissaat suli ilungersunartumiippoq, maannakkullu atorfiit 25-t inuttaqanngillat. Akerlianilli qaammatit arfinillit matuma siornamut sanilliullugu maannakkut paarlatsissanik pissarsiniartarneq ajornaannerulaalersimavoq, ilaatigullu Nuummi suliffissaaleqinerup apparartornerani paarlattaasussanik pissarsiniarneq nalinginnaasumik ajornakusoorluni.

Kommuneqarfik Sermersuup sinnerani perorsaasunik ilinniarsimasunik atorfinitsitsiniarneq suli ilungersunartuuvoq. Ullumikkut atorfiit 21-t akornanni 15-it inuttalerneqarsimangillat. Matumanili isumaginninnermut meeqqanillu sullissisutut ikiortaasunik amigaateqartoqarpallaanngilaq, ilaatigut atorfiit 13-it akornanni qulit inuttaqarlutik.

Sulisut piffissap ilaani ulaperujussuurtutut misigisarput, tassami ilaanni ikittuinnaallutik sulisaramik. Tamanna perorsaanermi pilersaarutaareersumik suliat naammassiniarnissaannut ajornakusoortitsisinnaavoq.

Aaqqiissutissatut siunnersuut – suliatigut naliliineq

Kommuneqarfik Sermersuumi praktikkernermik ingerlataqarnissaq pillugu Danmarkimi perorsaanermut ilinniartutut suleqatigalugit pilersinneqassasoq siusinnerusukkut Meeqqanut Atuarfeqarnermullu Ingerlatsivimmit innersuussutigineqarpoq. Ilangussaq 1-imi takuneqarsinnaasut UCN – Nordjyllandimi Professionshøjskolen suleqatiginissaanut isumaqatigiissusiortoqarpoq, ilaatigut ukioqanngitsuniit arfinillit tikillugit ukiulinnut kommunip meeqqeriviini ilinniartunik qulinik kommunimi peqartuarnissarput anguniarneqarluni. Aningaasartuutit namminerisamik missingersuutinit nammanneqarsinnaasorineqarput.

Ilinniartup Københavnimiit utimullu timmisartumut ilaalluni billetsissaa kommunip akilissavaa, taamaattoqartilluguli ilinniartup praktikkimik ingerlataqarnini naammassissagaa piumasagaataassaaq. Praktikkerfissatut inissat neqeroorfigineqassapput sumiiffinni makkunani Paamiut, Nuuk aamma Tasiilaq susassaqaqarfiit pingasuusut iluini; 1) Ulluunerani neqeroorut 2) Atuarfeqarnermut sunngiffeqarnermullu susassaqaqarfik, kiisalu 3) Isumaginninnermut immikkullu ittumik susassaqaqarfimmi.

Ilinniartuq siullem 2019-imi maajimi juunimiluunniit Tasiilami aallartinnissaa naatsorsuutigineqarpoq.

UCN - Nordjyllandimi Professionshøjskolenimik suleqateqarnerup saniatigut, najugaq qimannagu perorsaasunngorniartutut ilinniartut 18-it 2019-imi aasakkut naammassipput. Nuummi atorfiit inuttaqanngitsorpassuit inuttalersorneqarnissaat taavalu Paamiuniit Tasiilamiillu ilinniartut illoqarfimminnut uternissaat ingerlatsivimmit naatsorsuutigineqarpoq.

Perorsaasunngorniat aamma ukioqanngitsuniit arfinillit tikillugit ukiulinnut susassaqaqarfimmi atorfinnut qinnuteqarusuttut Kommuneqarfik Sermersuumi praktikkimik misiliinissamut periarfissaannik paasissutissiiniarluni atorfinitsitsiniarnermut isiginnaagassialiortoqassasoq

aalajangiunneqarpoq, taannalu atorlugu Nuummukarnissamut, Paamiunukarnissamut Tasiilamukarnissamullu periarfissat maluginiarneqarnerulersinnaapput. Attaveqatigiinnermut immikkoortorta qarfik suleqatigalugu najukkami filmiliortussamik pissarsisoqarpoq, filmiliortussarlu isumaqatigiissusiorfigineqareerpoq.

Nuummi sulisussaaleqineq aningorniarlugu suliniutinik aallartitsisoqarpoq, ilaatigut 16-inik 17-inillu ukiullit akunnermusiaqartinneqarlutik (paarlatsitut) atorfinitsinneqassapput, aamma igaffimmi ikiortitut atorfinitsinneqassapput. Tamatuma saniatigut meeqqerivinni piginnaanngorsaqqittut amerlanerulissammata Majoriaq piffissami sivitsortumi Meeqqanut Atuarfeqarnermullu Ingerlatsivimmit suleqatigineqarpoq. Suliffeqarnermut Immikkoortorta qarfik ingerlatsivimmit ataatsimeeqatigineqarpoq, maannalu Nuummi meeqqerivinni piginnaanngorsaqqittut amerliartoruusaarput. Suliniutit marluusut kingunerisaannik inuit amerlanngitsut atorfinitsinneqarsimapput.

Maannamiit attatuarneqartussat tassaalissapput:

- Meeqqerivinni suliatigut pikkorissutsip annertusarnissaa sulisullu attatuarneqarnissaat anguniarlutik meeqqerivinni sulisut ilinniarsimangitsut tamarmik 2018-imi piukkunnarsarlutik pikkorissartinneqarput. 2019-imi suliniutip attatuarnissaanut aningaasanik immikkoortitsisoqarpoq.
- Ukioqanngitsuniit arfinillit tikillugit ukiulinnut susassa qarfimmi sulisut tamarmik timersornertalimmik perorsaaneq pillugu pikkorissartinneqassapput. Sineriammiittut sulisut pikkorissartinneqareerput, taavalu Nuummi sulisut tamarmik 2019/2020-p ingerlanerini pikkorissartinneqassapputtaaq. Ukioq 2018-imiit ukiunullu aggersunut susassa qarfimmi sulisut piukkunnarsarneqarnissaannut ukiumut 1,5 mio. koruunit missaanni immikkoortinneqartarput.
- Perorsaasutut atorfiit arlallit sulisussarsiunneqarnerini inissaqartitsisoqarluni allagarsiussisoqartarpoq.

Aningaasaqarnikkut sulisoqarnikkullu naliliineq

Soqanngilaq

Inatsisitigut tunngavissaq allakkallu tunngaviusumik uppernarsaatitallit

Meeqqanut suli atualinngitsunut perorsaannikkut inerikkiartuutaasunik ulluunerani neqeroorutit pillugit Inatsisartut inatsisaat nr. 16, 3. decembari 2012-imeersoq.

Suleqatigiinnissamut isumaqatigiissut

- Anguniagaq: Pingaartinneqassaaq perorsaasunik ilinniarsimasunik atorfinitsitsinissaq, pikkorissarnissamik neqeroorutit amerlanerit aamma meeqqerivinni taartaasartutut piareersimasussanik pilersitsinissaq.

Ingerlariaqqinnissaq

- Meeqqanut Atuarfeqarnermullu Ingerlatsiviup siunnersuutitut saqqummiussai siunissami qaninnermi suliarineqarnissaat sulissutigivai, aamma UCN - Nordjyllandimi Professionhøjskolenimik suleqatigiinnissamut isumaqatigiissutip atsiorneqarnissaa aallartinnissaalu ilanngullugu.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq.

Innuttaasunik peqataatitsineq/Attaveqaqatigiinneq

Soqanngilaq

Ingerlatsivinniit allaniit oqaaseqaatigineqartut

Soqanngilaq

Ilanngussaq

1. Kommuneqarfik Sermersuup aamma Perorsaanermut ilinniarfiup UCN-ip akornanni isumaqatigiissutissatut siunnersuut

IMMIKKOORTOQ 03B: Kivitsisa pillugu killiffik

Beslutning

Ilisimatitsissut tusaatissatut tiguneqarpoq

Ilanngussat

Bilag 1 Udrulnings- og kompetenceudviklingsplan version 2.pdf

Kivitsisa pillugu killiffik

Februaari 2019

Ilisimatitsissut

J.nr.: 51.00-G01-54-19

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Kommunit ataatsimoorussamik suliniutaat "Kalaallit Nunaanni meeqqat atuarfiannik kivitsisoq" maanna kalaallisut taaguuteqalerpoq ima "Kivitsisa". Nutaanik perorsaariaaseqarnikkut suleqatigeeriaaseqarnikkullu meeqqat atuarfianni iPadi iluaqusersuutitut atorlugu qaffasissutsip kivinnissaa suliniuteqarnermi siunertarineqarpoq.

Kommuneqarfik Sermersuumi ullumikkut ilinniartitsinermit siunnersortinik pingasunik ilinniartitsisut atuartitsinermit pitsanngorsaanaannut, malinnaanissaannut nalilersuinissaannullu ikiuuttussanik kiisalu suliniutip atulersinneqarnissaanik qulakkeerinnittussanik atorfeqartitsisoqarpoq. Siunnersortit siunersueqatigiinneq, ilinniartitsisut atortui, ataavartumik pikkorissarnerit nutarterinerillu pillugit Kompasimik suleqateqarput.

Pilersaarutit malillugit AHL-imi aamma USK-imi ilinniartitsisunut iPadi marsip qaammataani tunniunneqassapput. Ullut 14-it qaangiuttullu iPadi atuartunut tunniunneqassapput. Ulloq taanna atuartut iPadinik tunisippata, iPadi atuartitsinermit atorneqartarneri pillugit angajoqqaat pikkorissartinneqassapput.

2019-imi ukiakkut Nuummi atuarfiit sinneri pingasut iPadinik tunineqassapput, aamma 2020-mi upernaakkut Paamiut kitaanilu sineriammi nunaqarfinni tunisissapput tamatuma kingorna Nunatta Kangiani Tasiilaq nunaqarfiilu aamma Ittoqqortoormiit tunineqassallutik.

Suliniut Kivitsisa nittartagaqalerpoq, tassanilu suliniut pillugu paasissutissat kiisalu killiffik takuneqarsinnaapput. Nittartagaq taaguuteqarpoq kivitsisa.gl, kisianni suli ineriartortinneqaruusaarpoq.

Inassuteqaat/Inassuteqaatit

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut aamma Aningaasaqarnermut Ataatsimiititamut inassuteqaatigaa:

- Ilisimatitsissut tusaatissatut tiguneqassasoq

Suliassamik saqqummiussineq

Kommunit ataatsimoorussamik suliniutaat "Kalaallit Nunaanni meeqqat atuarfiannik kivitsisoq" maanna taaguuteqalerpoq ima "Kivitsisa". Nutaanik perorsaariaaseqarnikkut suleqatigeeriaaseqarnikkullu meeqqat atuarfianni iPadi atorlugu qaffasissutsip kivinnissaa suliniuteqarnermi siunertarineqarpoq.

Kommuneqarfik Sermersuumi atuarfiit tamaasa ilanngullugit immikkoortukkuutaartumik suliniut atulersinneqassaaq. Marsip qaammataani AHL-imi aamma USK-imi suliniut atulersinneqassaaq. Nuussuup Atuarfiani, Kangillinnguit Atuarfiani aamma ASK-imi 2019-imi ukiakkut suliniut atulersinneqassaaq, taavalu Paamiuni kitaatalu sineriaani nunaqarfanni 2020-mi ukiakkut atulersinneqassalluni. Tamatuma kingorna suliniut Nunatta Kangiani atuilersinneqassaaq.

iPadit atuarfinnut tunniunneqarneri ilutigalugit ilinniartitsisunut tamanut pikkorissaanerit ingerlanneqartassapput. Aallartisarnissamut pikkorissartitsinerit Kompasimit siunnersortinit atuarfinni ataasiakkaani ilinniartitsinermut siunnersortit inuillu pingaarutillit suleqatigalugit ingerlanneqassapput.

Aallartisarnissamut pikkorissartitsinerit atuarfiit ataasiakkaat ilinniartitsisunit aqutsisunillu anguniagaqartumik tapersersorneqarnissaat piginnaasatigullu siuariartorfiunissaat iPadinik tunineqarneq ilutigalugu siunertaqarput.

Kommuneqarfik Sermersuumi ilinniartitsinermut siunnersortit pingasut atorfeqartinneqarput ilaatigut piginnaasat siuarsarnissaannut kiisalu suliniutip atulersinnissaanut anguniagaqartumik tapersersuinissamut ikiuuttussanik. Ilinniartitsinermut siunnersortit ulluni 1/11 - 18-imi, 1/12 - 18-imi aamma 1/1 - 19-imi atorfinitsinneqarput tassanilu Kivitsisap atulersinneqarnissaanut ajornaannerulernissaq pillugu sulisimallutik.

Ilinniartitsinermut siunnersortit ilinniartitsinerup ingerlanneqarnerata pitsanngorsarnissaa, atuartitsineri peqataaneq aamma ilinniartitsisut ataasiakkaat suleqatigalugit atuartitsinerup atuartitsinerillu ingerlanneqarnerisa nalilersornissaat suliassarivaat.

Ilinniartitsinermut siunnersortit atorfinikkamilli Nuummi atuarfinni suliniut Kivitsisa pillugu saqqummiiartortarput.

Atuarfinni AHL-imi USK-imilu aqutsisutut suleqatigiit peqatigalugit akisussaaffiit qanoq agguataarneqassanersut suliniummullu sanilliullugu qanoq naatsorsuutigeqatigiissanersut paasiniarneqarput.

Kompasi malillugu piginnaasatigut siuariartorneq ilinniartitsinermut siunnersortinit malinnaavigineqarpoq.

Tamatuma saniatigut makkuninnga suliaqarput

- Ilinniartitsinerup ingerlanissaa
- Klassinut naleqqussakkanik apps-inik assigiinngitsunik imalinnik isumassarsianut allassimaffimmik qaffasissutsinut assigiinngitsunut tunngasumik suliaqarneq.
- iPadimik atuineq pillugu ilinniartitsisunut, aqutsisunut angajoqqaanullu siunnersuutitsialiorneq.
- Alloriarfinni, suleqatigiinni, perorsaanermut siunnersuisartuni aqutsisunilu ataatsimiinnernut tunngatillugu ataatsimiinnerit aaqqissuussaani.
- AHL-imi akulliit aallartisarnissaannut pikkorissartitsineq. Tamanna periarfissaasimavoq, pissutigalugu akullerniittut kisiartaallutik iPadeqareeramik.
- iPadip atorneranut angajoqqaat pikkorissarnissaannut siunnersuusiorneq.
- Atuarfiit suleqatigalugit anguniagassanik anguneqarsinnaasunik ineriartortitsinissamut siunnersuusiorneq.

Aningaasatigut sulisoqarnikkullu naliliinerit

Aningaasaateqarfinnit HEMPEL Fondationimit, The Velux Fondationimit, A.P. Møller Fondenimit aamma OAK Fondationimit suliniut Kivitsisa tapersorsorneqarpoq.

Inatsisitigut tunngavissaq allakkallu tunngaviusumik uppersaatitallit

Ingerlariaqqinnissaq

Ingerlariaqqinnertaani suliniutip ilikkarnartortaa perorsaanermullu tunngasortaa ilaatigut iPadip atorneratigut ilinniartitsisullu atuarfinni nutaanik suleriuseqarnerisigut suliniutip atulersinniarnernani ukkatarineqassapput. Suleriaatsit nutaat kiisalu atuarfinni ulluinnarni perorsariaatsit nutaat pigiliunnissaat siunertaavoq.

Immikkoortut pingaarnert pingasut aallaavigalugit piginnaasanik ineriartortitsinikkut suliniutip ataavartuussusaa atulersinniarneralu qulakkeerneqassapput.

1. Suleqatigiinnik nukissaqarluartunik aallartitsineq - ikiortit (tassa ikiortaasussat) taakkulu ulluinnarni ilinniartitsisunik siunersiueqateqarlutillu aqutissiuisuussaput.
2. Ilinniartitsisunik tamanik pikkorissartitsineq, taamaaliornikkut ataatsimut ingerlaqatigiittoqassaaq oqaatsillu atorneqartut assigiinnerullutik.
3. Ilinniartitsisut ullumikkumit perorsaanermut tunngasunik ilisimasaminnik siammarterineruniassagamik aammalu ikiortit siunersiueqatiginissaannut aaqqissuussatigut piffissamik sivisunerusumik atuiffiunissaa anguniarlugu ilinniartitsinissamut ataatsimoorussani aaqqissuussinerit suleriutsillu nutaat.

Najukkami nunalu tamakkerlugu pigiliussinissaq anguniarneqarpoq, tamassumami kingunerissammagu piginnaasanik siuarsaanissamut tunngasut siunissami nammineerunnerulerneqassammata.

Aningaasaqarnermut Allatseqarfimmit oqaaseqaatit

Soqanngilaq.

Innuttaasunik peqataatitsineq/attaveqatigiinneq

Innuttaasunik peqataatitsineq ingerlanneqanngilaq.

Ingerlatsivinniit allaniit oqaaseqaatigineqartut

Soqanngilaq.

Ilanngussaq/Ilanngussat

1. Suliniummut pilersaarut

IMMIKKOORTOQ 03C: LøkkeFondenimik suleqateqarnermik aallarnissaaneq

Beslutning

Ilisimatitsissut tusaatissatut tiguneqarpoq

Ilanngussat

Bilag 1 LøkkeFonden 1.docx

Bilag 2 - Budget for Kommuneqarfik Sermersooq.docx

Bilag 3 - Udgifter til LøkkeFondens budget.docx

LøkkeFondenimik suleqateqarnermik aallarnissaaneq

Ilisimatitsissut

J.nr.: 51.00-G01-436-18

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Inuit Ataqtigiiit Demokratillu Kommunalbestyrelsimi 2017-2021-mut suleqatigiinnissamut isumaqatigiissutaanni anguniagassat pingasut aalajangersarneqarput:

1. ”Atuarfinni klassini angajullerni atuartunut atuagarsornikkut sanngiiffeqartunut navianartorsioqqajaasunullu ukiumut marloriarluni aasakkut tammaarsimaartitsisoqartarnissaa eqqunneqassaaq, tamatumani siunertaralugu imminut naleqartinnerup, malinnaasinnaanerup, atuagarsortarissanik aqqissuulluakkamik suliaqarsinnaanerup il.il. inerisarnissaat, Løkke-Fonden-ip periusai naapertorlugit.”
2. Aasakkut tammaarsimaarnerit malitseqartinneqassapput peqataasut tamarmik kvartalikkaartumik sapaatip-akunnerata naanerani ataatsimi sammisaqartinnerannik, ilinniagassalerisarfimmillu taper-taqartinneqassallutik.
3. Periutsit atuariit ulluinnarni sulineranni piviusunngortinneqassapput, atuartunut tamanut iluaqutaasussamik, angusaasullu ingerlaavartumik malinnaavigalugit uuttorneqartassapput, atuartut ataasiakkaat anguniagaat inerikkiartornerilu kisitsisinik uuttuusersorlugit.

2018-imi ukiakkut Meeqqanut Atuarfeqarnermullu Ingerlatsivik LøkkeFonden-imik suleqateqalerpoq. Tassani siunertarineqarpoq, suleqatigiinnikkut najoqqutassamik ineriartortitsisoqassammat, taannalu LøkkeFondeip tunngaviinik misilittagaanillu aallaaveqassasoq, kisiannili nunatsinnut naleqqussagaassasoq aammalu suleqatigiinnissamik isumaqatigiissummi anguniagassanik pingasunik qulaani taaneqartunik aallaaveqassasoq.

LøkkeFonden suleqatigalugu aasaanerani aallaarsimaarnissat marluk atuutilersinneqarnissaannut aamma akademiitut taaneqartut pilersaarusiortoqarsimavoq, taakkulu 2020-mi ingerlanneqassasut sulisussanik malinnaaviginnittussanillu pikkorissartitsineq ilanngullugit.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut aamma Aningaasaqarnermut Ataatsimiititamut inassuteqaatigaa

- ilisimatitsissut tusaatissatut tiguneqassasoq

Suliassamik saqqummiussineq

LøkkeFonden

LøkkeFondenip sulineranut siunertaavoq nukappiaqqat aarlerinartorsiortutut taaneqartartut ataatsimoorussanut uterteqqinnissaannut ikiornissaat. LøkkeFonden assigiinngitsunik suliniuteqarpoq, kisianni tunngaviatigut suliniutit tamarmik assigiinnik siuertaqartiterput. Ukiuni kingullerni LøkkeFonden aamma suliniutinik niviarsiaqqanut tunngasunik

piviusunnngortitsisarnikuuvoq. Suliniutit tamakkua takutippaat, suliniutini siunertarineqartut iluatsilluartumik aamma nivarsiaqqanut suliniutissanngortinneqarsinnaasut.

Kommuneqarfik Sermersooq / NCD

LøkkeFonden 2012-imili uppersaaserluakkamik ilikkarniarnikkut ilinniartitsinikkullu pimoorussilluni ingerlatsinissamat pilersitsisimavoq. Kommuneqarfik Sermersuumi suliniummi toqqammavigineqartup assinga atorneqassaaq.

Meeqqanut Atuarfeqarnermullu Ingerlarsivik suleqatigalugu LøkkeFonden suliniummut pilersaarusiorsimavoq, suleqatigiinnissamik isumaqatigiissummi anguniakkat pingasut, suliniutaareersunit namminneq misilittakkat inuiaqatigiinnilu kalaallinut naleqqussakkat aallaavigalugit.

Siunnersuutigineqartuq tassaavoq, 2 x ulluni 14-ini ilikkagaqarnissamat/aasaanerani aallaarsimaarnermik pilersitsisoqassasoq kingornalu malitseqartitsisoqarluni - qaammatit pingasukkaarlugit sapaatip akunnerata naanerani aallaarsimaartitsisoqarluni, ilinniakkagerilluni café, atuartunut ikittunnguanut sungiusaasulerluni ingerlatsisoqarluni aammalu sunngiffimmi suliffissat pillugit suliniuteqartoqarluni.

Aasaanerani aallaarsimaarnerit marluk/pimoorussilluni ilikkagaqarnissaq siunertaralugu aallaarsimaarnerit atuarnerup nalaani ingerlanneqartassapput, ataaseq aasaanerani atuannngiffeqarnissaq sioqqullugu aappaalu aasaanerani atuannngiffeqareernerup kingornagut, taamatummi ingerlatsisarneq LøkkeFondenimi misilittagaqarfigilluarneqarmat.

Nukappiaqqat 30-t nivarsiaqqallu 30-t, 7. klassemiit 10. klasse tikillugu atuartut 2 x ulluni 14-ni ilikkagaqarluarnissaq siunertaralugu aallaarsimaartinneqarnissamik neqeroorfigineqassapput, taakkulu ulluinnarlugu imaluunniit unnuinertalerlugu aqqissuutassatut ingerlanneqassallutik. Kingullertut taaneqartuq LøkkeFondenimi misilittagaqarfigilluarneqarpoq, taamaattumillu aaqiisoqarnissaa ujartorneqarpoq, atuartut 30-t piffissaq tamakkerlugu ingerlatsiffineqarsinnaallutik. LøkkeFondenimit ilanngullugu innersuussutigineqarpoq, nivarsiaqqat nukappiaqqallu immikkoortillugit aallaarsimaartinneqartassasut.

Aaqqissuussaaneq

Kommuneqarfik Sermersuumi suliniummut tunngatillugu, ilinniartitsisussanik pikkorissaasoqassaaq, ilinniartitsisut perorsaasullu arfinillit, taakkulu ilikkagaqarnissaq siunertaralugu aallaarsimaarfimmi malitseqartitsinissamilu suliaqassapput.

Tassuuna anguniarneqarpoq, ilinniartitsisussat najoqqutassamik matuminnga ukiup tulliani ingerlatitseqqinnissaminut piareersarneqarnissaat LøkkeFondenimit peqataaffigineqaratik imaluunniit sivikitsumik peqataaffigineqaannarlutik. Taamaassappat pisariaqarpoq, ilinniartitsisartut taarsaattuunnginnissaat.

Ilinniartitsisartussat ilikkarniarkkut perorsaanikkullu tunngavinnik suliaqarnissaminut pikkorissartinneqassapput, LøkkeFondenip suliniutaanut toqqammavisunik.

Ilinniartitsisut, perorsaasut akademimilu pisortap pikkorissarnissaanut pilersaarutit sammisassallu.

- Ilinniartitsisut perorsaasullu ulluni pikkorissartinnissaat (LøkkeFonden aaqqissuussisoralugu): ullut 4-t ulloq naasarlugu - ajornanngippat isumasioqatigiinnertut ingerlallugut, suliasamat eqqarsartaatsinut tunngasut pimoorussamillu ilikkartitsissutissat pilersinneqassallutik. Aamma tassani ilikkartitsinissamat periutsit Akademimilu aalajangersimasumik periuseqarnissamat tunngasut saqqummiunneqassapput.

- Paasissutissiineq (LøkkeFonden aqqissuussisoralugu): Tassani atuartunut ilinniartitsisut kikkunerinik ilisartinneqassapput, Akademiimi atuartitseriaatsinik paasitinneqassapput aammalu suliatigut piginnaasaannik misilinneqassapput, taamaasilluni ataasiakkaat pisariaqartitaat malillugit atuartitsineq ingerlanneqarniassammat.
- Pilersaarusiorneq, paasissutissat naapertorlugit (LøkkeFonden aqqissuussisoralugu): Misilitsinnermit angusat aallaavigalugit Akademiimi pilersaarutit aqqissuuteqqissaarneri.
- Aqqissuussineq (LøkkeFonden aqqissuussisoralugu): Perorsaanermut ilikkartitseqqissaarnissamullu tunngavilimmik aqqissuussineq. LæringsAkademiet illutaata initaata aqqissuuteqqissaarnera.
- Akademimik naammassinninneq/Aallaarsimaartitsineq/ilikkagaqarnissaq siunertaralugu aallaarsimaarneq: ulloq 12 – 14-it: Sulisut tamarmik tamakkiisumik najuutissapput (Nuummeersut aammalu LøkkeFondenip sulisui)
- Malitseqartitsineq: Qaammatit pingasukkaarlugit ataatsimiinnerit. Ilinniagassalerisarnerit, sungiusaasulerluni atuartut ikittukkuutaarlugit aammalu sunngiffimmi suliffissat pilugit suliniuteqarneq.

Aaqqiissutissatut siunnersuut – suliatigut naliliineq

LøkkeFondenip ilikkarniarnikkut perorsaanikkullu toqqammavia ilisimatuussutsikkut misissuinernik aallaaveqarpoq. Ataatsimut eqqarsaatigalugu toqqammavigineqartoq tassaavoq inuusuttup nammineq nukittuffiisa suunerinik paasinninneq aammalu periarfissai kiisalu nammineq inuttut ilikkartikkuminassusia suliatigullu ilikkajasuunera aallaavigineqassasut.

Inuusuttunik, imminnut pitsanngorsaavigerusuttunik ilinniartitsinikkut, qularnanngilluinnartumik tamatuma kinguninnguatigut pitsaasumik kinguneqassaaq.

LøkkeFonden paasissutissaateqanngilaq, atuartut ilinniaqinniassagunik qanoq naammassisaqarsinnaanersut pillugit. Paasissutissatigineqartutuat tassaapput inuusuttut qaninnerusoq eqqarsaatigalugu sunik angusaqarsimanersut, tamatumalu takutippaa, inuusuttut suliatigut inuttullu siuariangaatsiartartut. LøkkeFondenimit misilittakkat takutippaat, inuusuttut pitsaasumut saatinnessaat aalajangiusimagaanni, taava malitseqartitsisoqartariaqartoq.

Taamaattumik aalajangersimasunik ilinniartitsisoqartitsisariaqarpoq, inuusuttunik malinnaasussanik ikorfartuisussanillu.

Meeqqanut Atuarfeqarnermullu Ingerlatsiviup nalilerpaa pingaaruteqartoq, inuusuttut ilinniartitsisoqartinnerisigut pitsaasumi ingerlariaqqitsinnissaasa aalajangiusimaneqarnissaa.

Atuartussarsiorneq

Pingaaruteqarpoq malugissallugu ilikkartitsiniarnernut atuartunik aalajangersimasunik toqqaasoqarnissaa. Atuartut piukkunneqarlutik atuartuutigineqalersussat, tassaapput nukappiaqqat nivarsiaqqalu, namminneq ingerlariaqqinnissaminnik kissaatigisaqartut, ataatsimoornernilu peqataalluarsinnaasut, taamaattumik taaneqartarput nukappiaqqat nivarsiaqqallu aarlerinartorsiortut.

Atuartut namminneq toqqammavilersukkaminik qinnuteqaasiussapput, sooq ulluni 14-ini ilikkagaqarnissaq siunertaralugu aallaarsimaaqataaniarnerlutik. Atuartut naleqquttumik suliatigut inuttulluunniit pitsanngoriarnissaminnik kissaateqanngippata, taava tigutissanngillat.

Imaappoq, atuartut ilikkagaqarnissaq siuneratalugu aallaarsimaarnissamut tigutittut, tassaapput

atuartut, suliatigut inuttullu kinguaattooqqasut, kisialli namminneq ingerlariaqqinnissaminnik kisaatigisaqarlutillu neriuuteqartut.

Meeqqanut Atuarfeqarnermullu Ingerlatsiviup nalilerpaa, Kommuneqarfik Sermersuumi suliniut Danmarkimi angusarineqartut assigalugit inerneqassappat, atuartussarsiortarneq aamma taamatut ingerlanneqassasoq.

Aningaasaqarnikkut sulisoqarnikkullu naliliineq

Suliasaq una 2020-mut missingersuusiornissamut atatillugu politikkikkut eqqartugassatut ingerlateqqinneqassaaq, periarfissatut kataloginut ilanngunneqartussanngorlugu.

LøkkeFondenip misilittagai naapertorlugu atuartumut ataatsimut 50.000-inik naleqarpoq, taakkunannga 1/3 suliniutip aallartinneraniit 2019-2020-mut LøkkeFondenimut akiliutigineqassallutik.

Meeqqanut Atuarfeqarnermullu Ingerlatsivik suliniutip naammassineqarnissaanut aningaasatigut naatsorsuusiorsimavoq. Missingersuutinut ilaatinneqarput LøkkeFondenimut aningaasartuutissat. Missingersuutit ilanngussaq 2-mi takuneqarsinnaapput.

Suliniut imatut ingerlanneqarpat:

Ulloq 1 sap.ak. naanerani aallaarsimaarluni

atuartumut ataatsimut 43.140,75 kr

Ullut 2 sap.ak. naanerani aallaarsimaarluni

atuartumut ataatsimut 46.012,04 kr

LøkkeFondenimut suliniummut aningaasartuutit

1.000.000 kr.

Missingersuutit ilanngussaq 3-mi takuneqarsinnaapput.

Inatsisitigut tunngavissaq allakkallu tunngaviusumik uppernarsaatitallit

Suleqatigiinnissamik isumaqatigiissummi anguniarneqarpoq:

1. "Atuarfinni klassini angajullerni atuartunut atuagarsornikkut sanngiiffeqartunut navianartorsioqqajaasunullu ukiumut marloriarluni aasakkut tammaarsimaartitsisoqartarnissaa eqqunneqassaaq, tamatumani siunertaralugu imminut naleqartinnerup, malinnaasinnaanerup, atuagarsortarissanik aqqissuulluakkamik suliaqarsinnaanerup il.il. inerisarnissaat, Løkke-Fonden-ip periusai naapertorlugit."
2. "Aasakkut tammaarsimaarnerit malitseqartinneqassapput peqataasut tamarmik kvartalikkaartumik sapaatip-akunnerata naanerani ataatsimi sammisaqartinnerannik, ilinniagassalerisarfimmillu taper-taqartinneqassallutik"
3. "Periutsit atuarfiit ulluinnarni sulineranni piviusunngortinneqassapput, atuartunut tamanut iluaqutaasussamik, angusaasullu ingerlaavartumik malinnaavigalugit uuttorneqartassapput, atuartut ataasiakkaat anguniagaat inerikkiartornerilu kisitsisinik uuttuusersorlugit"

Ingerlariaqqinnissaq

- Ilinniartitsisussanik pikkorissartitsisoqareerpoq, ilinniartitsiut perorsaasullu peqataatinneqarlutik. Ilinniartitsisut 2 x ulluni 14-ini ilikkagaqarnissamut/aasaanerani aallaarsimaarnermik pilersitsisoqarnissaa kingornalu malitseqartitsisoqarnissaa pilersaarusiussavaat - qaammatit pingasukkaarlugit sapaatip akunnerata naanerani aallaarsimaartitsisoqarluni, ilinniakkagerilluni café, atuartunut ikittunnguanut sungiusaasulerluni ingerlatsisoqarluni aammalu sunngiffimmi suliffissat pillugit suliniuteqartoqarluni.
- Ungasinnerusoq eqqarsaatigalugu sivikitsunik pimoorussilluni atuartunut, atuarfinni ataasiakkaat ukiup atuarfiusup ataatsip iluani suliatigut pitsanngoriaateqarusuttunut aalajangersimasunut ilikkartitsiniartoqarnissaa sulissutigineqassaaq. Taamatut pimoorussilluni ilikkartitsiniarnissat ilinniartitsisunit ingerlanneqassapput, taakkulu pilersaarusionerq, ingerlatsineq atuartunillu, sivikitsumik pimoorussilluni ilikkartinniarneqartunik malitseqartitsineq ingerlatissavaat. Atuartut sorliit immikkut sivikitsumik pimoorussillutik taamatut ingerlatsissanersut ilinniartitsisut angajoqqaallu qanimut suleqatigalugit toqqarneqassapput.

Aningaasaqarnermut Allatseqarfimmit oqaaseqaatit

Innuttaasunik peqataatsineq/Attaveqatigiinneq

Innuttaasunik peqatitsisoqanngilaq

Ingerlatsivinniit allaniit oqaaseqaatigineqartut

Soqanngilaq

Ilanngussat

1. LøkkeFondenip Nukappiaqqanut akademianut Takorluugaq isumassarsiarlu.
2. Kommuneqarfik Sermersuup aasaanerani tammaarsimaartitsisarnissaanut, qaammatit pingasukkaarlugit tammaarsimaartitsisarnissaanut malitseqartitsisarnissaanullu missingersuutit.
3. LøkkeFondenimut aningaasartuutissanut missingersuutit.

IMMIKKOORTOQ 03D: Tasiilami atuartunut angerlarsimaffimmi aqutsinikkut perorsaanikkullu suliniutinik aallartitsineq

Beslutning

Ilisimatitsissut tusaatissatut tiguneqarpoq

Ilanngussat

Bilag 1 Handleplan for opfølgning af det ledelsesmæssige og det pædagogiske - KAL.docx

Bilag 2 Status-pÅ¥-INUALIFEÂ's-anbefalinger_26618_KALdocx.docx

Tasiilami atuartunut angerlarsimaffimmi aqutsinikkut perorsaanikkullu suliniutinik aallartitsineq

Ilisimatitsissut

J.nr.: 51.00-G01-397-18

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Oktobarip naanerani Atuarfeqarnermut Immikkoortortaqaarfik atuartunut angerlarsimaffimmi aqutsinikkut perorsaanikkullu suliniutinik aallartitsinissaq siunertaralugu kiisalu atuartunut angerlarsimaffimmi nakkutilliarlorluni Tasiilamut angalavoq.

Atuartunut angerlarsimaffimmi nakkutilliarlorluni angalanermut siunertaavoq, aqutsisooqatigiit, suleqatigiit aamma atuartut peqatigalugit aqutsinikkut perorsaanikkullu suliniutinik aallartitsinissaq.

Atuartunut angerlarsimaffimmi aqutsisooqatigiit ataavartumik oqaloqatigalugillu avitseqatigisarnertagullu Atuarfeqarnermut Immikkoortortaqaarfiup suliniut aallartippaa. Suliniut februaarip qaammataani Tasiilamut tikeraaqqinnermi malitseqartinneqassaaq.

Atuartunut angerlarsimaffik atuartunut nunaqarfimmeersunut 8 – 10. klassimi atuartunut ulloq unnuarlu sulisoqarluni neqeroorutaavoq.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

INUALIFE-mit nalunaarusiaq tunngavigalugu maaji qaammat nalunaarusiamit innersuussutit sorliit aallartinneqassanersut iliuuseqarfigeqqissanersullu iliuusissamik pilersaarusiorneqarput. Tamatuma kingorna sulinermit atatillugu angalanermi misissuiffiqineqartussanik ingerlatsivik atuartunut angerlarsimaffik iluarsiiissutinik aallartitseqqusivoq.

Nakkutilliineq

Nakkutilliinermit siunertaavoq suliniutit iluarsiiissutillu aallartinneqarsimasut, atuartunut angerlarsimaffimmi aqutsisunit suliakkiutigineqarsimasut, malitseqartinneqarnissaat.

Atuartunut angerlarsimaffiup iluarsiiissutit piumasarineqarsimasut tamarmik iluarsiiiffigisimavai.

Atuartut siniffii siniffinnik qaleriissitanik taarserneqarsimapput, init tamarmik qalipanneqarsimapput, taamaalillutik angerlarsimaffipalaarnerulersimallutik.

Atuartut sapaatip-akunnerata ingerlanerani arlaleriarlutik atisaminnik errorsisinnaalersimapput.

Aqutsisooqatigiit

Ataatsimiinnermit siunertaavoq suleriaatsit assigiinngitsut suliarineqarnerisa aallartinnissaat.

Aqutsisooqatigiit sulinertik aaqqissuunnerunissaanut atortussaminnik tunineqarput.

Suleriaasissat kingosinnerpaamik 01-02-2019 naammassereersimassapput.

Aqutsisooqatigiit aqutsinermut piffissaq atorneqartartoq pillugu nassuiaasioqquneqarput saniatigullu sulisut qanoq atorneqartarnersut nassuiaatigalugu, tassa sulisunik atuineq pitsaanerpaamik ingerlanngimmat.

Tamatuma saniatigut aqutsisooqatigiit ikinnerpaamik qaammammut ataasiarlutik atuartunut angerlarsimaffimmi nerisaqartitsineq pillugu Brugsenilu ataatsimeeqatigisarnissaat piumasarineqarpoq.

Suleqatigiit

Suleqatigiit peqatigalugit atuartunut angerlarsimaffimmi ulluinnarni pisunik aqqissuussisoqarpoq. Sulisut atuartunut pitsaaliuinnermut suliniutinik assigiinngitsunik sammisassaqartitsiniutinik aallartitsilerput. Suleqatigiit ulluinnarni pisunik aqqissuussinissamut kiisalu sammisagaqartitsiniutinik aallartinneqarsinnaasunik ikiorneqarput.

Sulisut sapaatip-akunnerata ingerlanerani ulluni aalajangersimasuni atuartut ataasiakkaarlugit oqaloqatigisarnissaat anguniarpaat, taamaaliornikkut aatsaat ingerlanerliortoqartillugu atuartut oqaloqatigineqartassanngillat. Oqaloqatigiittarnerit taakku sulisunit skemaliarineqarput, taamaaliornikkut ukiup ingerlanerani ataavartumik ingerlanneqartassapput.

Angajoqqaanik oqaloqatiginnittarnerit pitsanngorsaaviginiarlugu atuartut atuartunut angerlarsimaffimmut nuunnginneranni suleqatigiit nunaqarfiliartarnissaat sulissutigineqarpoq. Nunaqarfinni angalanerani sulisut aallarniutigalugu oqaloqatiginninnerit ingerlassinnaavaat, atuartut atuartunut angerlarsimaffimmut nuunnginneranni angajoqqaat sulisullu naapereersimaniassamata. Tamatuma saniatigut angajoqqaanik suleqateqarneq pitsanngorsaaviginiarlugu attaveqatigiittarnerit annertusarnissaat sulissutigineqarpoq. Sulisut sapaatip-akunnerani pisut pillugit angajoqqaanut sivikitsumik nassuiaallutik sianertarneratigut qaammatillu naanerani siviuserusumik angajoqqaanik oqaloqateqartarnikkut tamanna pissaaq. Taamatut periuseqarneq Nuummi iluatsilluartumik atorneqarpoq.

Suleqatigiit suliamut ilisimasaat ineriartortinniarlugit ingerlatsivik ataavartumik malitseqartitsisarluunilu sulisut piginnaasannik ineriartortitsisarnerit ingerlattassavai. Ingerlatsivik 2019-imi februaarimi Tasiilaliarpat sulisut piginnaasaannik ineriartortitsisoqassaaq.

Atuartut

INUALIFE-p nalunaarusiami innersuussuteqarnermini ilanngunneqarpoq atuartut ulluinnarni peqataatinneqartarnerat annikippallaartoq. Atuarfeqarnermut Immikkoortortaqarfimmit suliniut aallartinneqarpoq, tassani atuartut sammisagaqartitsinernut ulluinnarnilu pisunut pitsanngorsaannermut peqataatinneqarput.

Sammisassanut iluarsisutissatullu atuartut kissaataat sulisunut suleqatigiinnut aqutsisooqatigiinnullu tunniunneqarput, taakkulu suliaralugit nangissavaat.

Brugseni/Nerisassat

INUALIFE-mit nalunaarummi nerisassat Brugsenimeersut assut isornartorsiutigineqarsimasut eqqaaneqarpoq. 2018-imi maajip qaammataani isornartorsiutit aqqiiviginiarlugit Brugseni oqaloqatigineqarpoq. Taakaniinnerup nalaani suleqatigiinneq qanoq ingerlanersoq paasiniarlugu Brugsenimi sulisut malitseqartitsilluni ataatsimeeqatigineqarput. Ullup ingerlanerani ullormut pingasoriarluni nerisat pingarnerit saniatigut ualikkut unnukkullu tamulugassaqarnissaa Brugsenimit isumagineqartarpoq.

Kantiinami atuartut nerisassaminnik kissaatiminnik allattuiffissaannik nivinngaasoqarnikuuvoq. Tamatuma saniatigut atuartut igaqataanissaminnut periarfissaqarput. Siunissami minnerpaamik qaammammut ataasiarlutik atuarfimmi aqutsisut Brugsenu naapillutik ataatsimeeqatigiittassapput, tassanilu atuartunut angerlarsimaffimmi nerisaqarneq eqqartorneqartassaaq.

Aaqqiissutissatut siunnersuut – suliatigut naliliineq

Atuartunut angerlarsimaffik ajunngitsumik siuariartorpoq, sulili ikiorneqarnissaminnik, avitseqateqarnissaminnik sulisullu piginnaangorsarneqarnissaannik amigaateqarput.

perorsaanikkullu suliniutit sorliit anguniagalersorlugit malitseqartitsisoqartarlunilu aallartissanersut iliuusissatut pilersaarusiorneqarput. Aqutsinikkut perorsaanikkullu suliniutit ingerlasut malitseqartinneqartarnissaat pillugu ukioq atuarfiusumi matumani ukiup affakkuutaarluni nakkutillineq, sulisut piginnaangorsarneqarnissaat ilanngullugu, ingerlanneqartassasut innersuussutigineqarpoq.

Aningaasatigut sulisoqarnikkullu naliliinerit

Oqaaseqaateqartoqanngilaq.

Inatsisitigut tunngavissaq allakkallu tunngaviusumik uppersaatitalit

- Meeqqat atuafianni atuartunut kollegiami inissat pillugit Namminersornerullutik Oqartussat nalunaarutaat nr. 4, 9. februar 1989-imeersoq
- Atuarfik pillugu Inatsisartut inatsisaata allanngortinneqarnera pillugu Inatsisartut inatsisaat nr. 21 ulloq 13. november 2017-imeersoq

Ingerlariaqqinnissaq

Februaarip qaammataani Atuarfeqarnermut Immikkoortortaqarfik suliniutit aallartinneqartut malitseqartinniarlugit sulisullu piginnaangorsarnissaat siunertaralugu Tasiilamukassaaq.

Februaarip tungaanut aqutsinikkut suliniutit ineriartortinneqartut atuutilersinniarneqartullu pillugit Atuarfeqarnermut Immikkoortortaqarfiup atuartunut angerlarsimaffiullu akornanni ataavartumik oqaloqatigiinnerit ingerlanneqartassapput.

Aningaasaqarnermut Allatseqarfimmit oqaaseqaatit

Oqaaseqaateqartoqanngilaq.

Innuttaasunik peqataatitsineq/Attaveqaqatigiinneq

Suliap ingerlanerani innuttaasunik peqataatitsisoqanngilaq.

Ingerlatsivinniit allaniit oqaaseqaatigineqartut

Oqaaseqaateqartoqanngilaq.

Ilanngussat

1. Tasiilami atuartunut angerlarsimaffimmi aqutsinikkut perorsaanikkullu suliniutit malitseqartinneqarnissaannut iliuusissatut pilersaarut.
2. : INUALIFE-p innersuussutaannut suliniutit killiffiat.

IMMIKKOORTOQ 4: Aalajangiiffisassat

IMMIKKOORTOQ 04A: Tasiilami majuartaateqqamik pilersitsinissamut siunnersuut

Beslutning

Inassuteqaat akuersissutigineqarpoq oqaaseqaatigalugu siunnersuut missingersuutitut siunnersuutitut ingerlateqqinneqassasoq 2020-mut missingersuusiornissamut atatillugu

Tasiilami majartaateeqqamik pilersitsinissamut siunnersuut

Kommunalbestyrelsimut ilaasortap Knud Mathiassenip (IA) Meeqqanut Atuarfeqanermullu Ataatsimiititamut siunnersuutaa

Aalajangiiffigisassaq

J.nr: 01.01.07

Suliffeqarfimmut Kiffartuussivik - kommunaldirektøri Lars Møller-Sørensen /LMS

Suliassamik eqikkaaneq

Kommunalbestyrelsimut ilaasortap Knud Mathiassen (IA) marsip ulluisa 21-t, 2019 Tasiilami majartaateeqqamik pilersitsinissaq siunertaralugu Meeqqanut Atuarfeqanermullu Ataatsimiititamut aalajangigassatut siunnersuummik nassiussivoq.

Inassuteqaat

Suliffeqarfimmut Kiffartuussiviup Meeqqanut Atuarfeqanermullu Ataatsimiititamut innersuussutigaa:

- Siunnersuut itigartinneqassasoq.

Suliassamik saqqummiussineq

Kommunalbestyrelsimut ilaasortap Knud Mathiassen (IA) marsip ulluisa 21-t, 2019 Tasiilami majartaateeqqamik pilersitsinissaq siunertaralugu Meeqqanut Atuarfeqanermullu Ataatsimiititamut aalajangigassatut siunnersuummik nassiussivoq.

Siunnersuuteqarnermut tunngavilersuut:

“- Tasiilami innuttaasut amerlipput sisorartartullu amerliartorlutik taakku akorniniipput meeqqat mikinerit, taakku majartaammumt angisuumut atuinissaat tulluanngilaq taamaattumik majartaateeqqamik pinngitsoorsinnaajunnaarpugut meeqqat mikinerit sivinganikkut pukkinikkut sisorartalernissaannut atatillugu.

- Tasiilami majartaateeqqamik pilersitsisoqassagaluarpat kissaatigineqarpoq majartaammi sulisunik akuersissummik ujartuinissaq, majartaateeqqap sumi inissinneqarnissaanut atatillugu.”

Siunertaa:

”- Eqqarsaasersuutaavoq, Tasiilami majartaateeqqamik pilersitsisoqassappat Nuussuarmiittoq assigissagaa.

- Meeqqanut mikinernut majartaateeqqamik pilersitsinissaq siunertaavoq

- Tasiilami Majartaammi sulisut asuliunngitsumik erngiinnarlu pisussamik suleqatigineqalissasut.

Innersuussutigaa, ingerlatsivimmit makku eqqarsaatigalugit pitsaanerpaamik aningaasalersorneqarnissaanut misissuisoqarnissaa:

- Kissaatigaara, majartaateeqqamik pissarsinissaq umiarsuarmillu Tasiilamut angallanneqarnissaa pillugu immikkoortortaqarfimmit misissorneqassasoq.

- Majartaammik taama angissusilimmik aki misissorneqareerpat aningaasalerneqarnissaa qulakkeerneqassasoq.”

Aaqqiissutissatut siunnersuut – suliatigut naliliineq

Qinikkanut Allatseqarfiup innersuussutigaa, Kommunalbestyrelsip aalajangissagaa, siunnersuut ataatsimiititamut susassaqartumut ingerlateqqinneqarnissaa.

Aningaasatigut sulisoqarnikkullu naliliinerit

Aningaasaqarnermut sulisoqarnermullu naliliinernut tunngatillugu Kommunalbestyrelsimi siunnersuutip oqallisigineranut atatillugu aalajangerneqassasoq suliaq ataatsimiititamut susassaqartumut ingerlateqqinneqassasoq.

Inatsisitigut tunngavissaq allakkallu tunngaviusumik uppermarsaatitalit

Kommunit aqunneqarnerat pilugu Inatsisartut inatsisaat nr 22, 18 november 2010-meersoq.

§ 13. Kommunalbestyrelsimi ilaasortap kialuunniit kommunip susassaqarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutininik saqqummiussisinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.

Suliffeqarfimmut Kiffartuussivimmit innersuussutit tunuliaqutaa:

Allatseqarfiup siunnersuut ukiamut missingersuusiornissamut atatillugu missingersuutitut siunnersuutaasariaqaraluartutut nalilerpaa, siunnersuutigineqartumut ukioq manna aningaasanik immikkoortitsisoqannginnera patsisaalluni.

Ingerlariaqqinnissaq

Qinikkanut Allatseqarfiup siunnersuut qanoq aalajangiiffigineqassanersoq apeqqutaatillugu suliarineqarumaarpoq.

Ilanngussat.

Soqanngilaq.

IMMIKKOORTOQ 5: Suliat Aningaasaqarnermut Inuussutissarsiornermullu Ataatsimiititamut

IMMIKKOORTOQ 05A: Tasiilami nunaqarfiinilu meeqqerivinnut isaatitsineq pillugu ilisimatitsissut

Beslutning

Inassuteqaatit akuerineqarput

Tasiilami nunaqarfiinilu meeqqerivinnut isaatitsineq pillugu ilisimatitsissut

Ilisimatitsissut

J.nr.:44.00

Meeqqanut Atuarfeqarnermullu Ingerlatsivik – pisortaq Helene B. Berthelsen / HEBE

Suliassamik eqikkaaneq

Meeqqanut Atuarfeqarnermullu Ingerlatsiviup siunnersuutigaa Tasiilami nunaqarfiinilu meeqqanik meeqqerivimmut isaatitsineq pillugu suliassartai Tasiilami Innuttaasut Sullissivimmit suliarineqartalissasut.

Inassuteqaat/Inassuteqaatit

Meeqqanut Atuarfeqarnermullu Ingerlatsiviup Meeqqanut Atuarfeqarnermullu ataatsimiititamut innersuussutigaa:

- Ilisimatitsissut tusaatissatut tiguneqassasoq,
- Ilisimatitsissut Aningaasaqarnermut Inuussutissarsionermullu ataatsimiititamut ilisimatitsissutitut ingerlanneqassasoq

Suliassamik saqqummiussineq

Meeqqanut Atuarfeqarnermullu Ingerlatsisivimmi sulisut siunnersuutigaat, Tasiilami nunaqarfiinilu meeqqanik meeqqerivimmut isaatitsineq pillugu suliassartai Tasiilami Innuttaasut Sullissivimmit suliarineqartalissasut.

Tasiilami illoqarfimmi ineriartortitsinissamik pilersaarutip atuutsikkiartuaarnerani, Tasiilami sulisut ilaatigut kissaatigaat, suliatigut akisussaaffinnik tigooraanermikkut Innuttaasut Sullissiviata nukittorsarnissaa, taamaasinikkut suliassat piffimmi suliarineqartalissammata.

Siunnersuut Pisortaqatigiinnik akuerineqarpoq, kiisalu Meeqqanut Atuarfeqarnermullu Ingerlatsivik sulisunik Tasiilamukartitsissaaq, suliassat tunniukkiartorlugit kiisalu Innuttaasunik Sullissivimmi sulisut ilitsersuukkiartorlugit.

Aaqqiissutissatut siunnersuut – suliatigut naliliineq

Meeqqanut Atuarfeqarnermullu Ingerlatsivik isumaqarpoq, Innuttaasunik Sullissiviup suliat tiguneratigut, Tasiilami innuttaasunik sullissineq pitsanngortinneqassasoq, taamatumalu kingunerissavaa innuttaasut sullissisunik qanimut saaffiginnissinnaalernerat. Kiisalu piffimmi aalajangiisarneq suliarineqartalissasoq.

Aningaasatigut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppersaatitallit

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq

Ingerlariaqqinnissaq

Meeqqanut Atuarfeqarnermullu Ingerlatsivik Tasiilamilu Innuttaasunik Sullissivik isumaqatigiissutigissavaat, qaqugu suliassat pillugit ilitsersuussisoqarlunilu tunniussisoqassasoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik piniartoqanngilaq

Innuttaasunik peqataatsineq/attaveqaqatigiinneq

Tasiilami områdechef suliaq pillugu ilisimatinneqarpoq, siunnersuullu isumaqatigaa.

Ilanngussaq/Ilanngussat

Soqanngilaq

IMMIKKOORTOQ 05B: Ulluunerani neqeroorutini inissanik qulakkeerinnineq pillugu ilisimatitsissut

Beslutning

Inassuteqaatit akuerineqarput

Ulluunerani neqeroorutini inissanik qulakkeerinnineq pillugu ilisimatitsissut

Ilisimatitsissut

J.nr.: 28.00.00-G01-43-19

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Meeqqanut Atuarfeqarnermullu Ingerlatsiviup utaqquisunut allattuivimmiittut ikilisinnissaat kommunimilu paaqqinnittarfimmi inissanik qulakkeerinninnissamik qinnuteqarsinnaaneq sulissutigaa. Ingerlatsivik ullumikkut ilaatigut Nuummi utaqquisunut allattuivimmiittut ikilisinnissaat ajornartorsiutigaa.

Ilimagineqarpoq ajornartorsiut siunissami annertunerulissasoq, tassa ilimagineqarmat Nuummi innuttaasut 2030-p tungaanut 30.000-it tikillugit amerlassuseqalissasut, tassunga ilanngullugit meeqqat 0-6 ukiullit, tassungalu peqatigitillugu paaqqinnittaarfiit illuutillu pioreersut nungullassallutik.

Inassuteqaatit

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititaliamut inassuteqaatigaa

- Ilisimatitsissut tusaatissatut tiguneqassasoq
- Suliaq Aningaasaqarnermut Inuusutissarsiornermullu Ataatsimiititaliamut Kommunalbestyrelsimullu ilisimatitsissutit ingerlateqqinneqassasoq

Suliassamik saqqummiussineq

2030-p tungaanut ineriartorneq

Nuummi innuttaasut 2030-mi 30.000-inngornissaat¹ pillugu politikikkut anguniagaq tunngavigalugu ilimagineqartut meeqqat 0-6 ukiullit 2030-p tungaanut amerlissasut. Innuttaasut procentinngorlugit amerlassusaasa naatsorsornerat tunngavigalugu missingiummi siulittuutigineqarpoq Nuummi meeqqat 0 aamma arfinillit akornanni ukiullit 1977 aamma 2754-t akornanni amerlassuseqassasut. Nuummi meeqqat taamatut ukiullit 1. januar 2019-imi 1674-iupput.²

Ingerlatsivik meeqqat amerlassusissaanni siumut naatsorsuineq tunngavigalugu naliliivoq inissanik qulakkeerinninnissamik kissaateqarneq anguneqassappat tassungalu peqatigitillugu paaqqinnittarfiit arfinillit isaterneqarnissaat matuneqarnissaalluunniit ilimagineqartariaqarluni, meeraaqqeriviit ukioqatigiinngiiaanut meeqperiviit nutaat ikinnerpaamik qulit ulluuneranilu meeraaqqeriviit meeqperiviillu ukioqatigiinngiiaanut nutaat 15-it tikillugit atorfissaqartinneqassasut. Naatsorsuinerni ulluunerani paaqqinnittarfirmut ataatsimut periuseq meeqqanut 88-inut inissalik, ininut arfinilinnut agguarlugit, aallaavigineqarpoq.

¹ Pissarsivik: Kommuneqarfik Sermersuumut kommunimut pilersaarut, Takorluukkat Pingaarnermullu Ilusaa

² Pissarsivik: Kalaallit Nunaanni Naatsorsueqqissaartarfik

Paaqqinnittarfiit inissallu amigaataanerisa saniatigut Meeqqanut Atuarfeqarnermullu Ingerlatsivik aamma naliliivoq, sulisussarsiortarnissamut tunngatillugu aaqqiissuutissat eqqarsaatigineqarnissaat pisariaqartinneqassasoq. Pissutsit assigiinngitsut tassunga tamassumalu qanoq aaqqinneqarnissaannut sunniuteqarput. Meeqqanut Atuarfeqarnermullu Ingerlatsiviup ullumikkut misigaa, kommunip ulluunerani paaqqinnittarfiani, pingaartumik Nuummi, sulisunik amigaateqarneq isumaginninnermut aamma meeqqanik sullissinermi ikiortit atorfii inuttalerniarneri ajornartorsiutaasoq.

Kommuneqarfik Sermersuumi utaqqisunut allattuiviit pillugit ullumikkut killiffik
 Meeqqanut Atuarfeqarnermullu Ingerlatsiviup kommunimi utaqqisunut allattuiviit pisariaqarunnaarnissaat kommunimilu ilaqutariinnut meerartalinnut inissanik qulakkeerinnittarnermik neqerooruteqarsinnaaneq suliniutigaa.

Meeqqat utaqqisunut allattuivimmiittut amerlassusaat ukiup ingerlanerani allanngorartarput. Meeqqanut Atuarfeqarnermullu Ingerlatsiviup ukiut naanerini tamani misigisarpaa inissanut innersuussisarneq unittartoq, tassa meeraaqqerivinni meeqqerivinnilu inissat ulikkaaqqasarmata. Tamanna meeqqat meeraaqqerivimmiittut, ukiutik pissutigalugit meeqqerivinnut nuunneqartussat nuunneqarsinnaannginnerinik kinguneqartarpoq. Tamanna aamma meeqqat meeraaqqerivinnut utaqqisunut allattuivimmiittut amerlisarnerinik kinguneqartarpoq.

Marsip aallaqqaataata missaani meeqqat atualersussat AKO-mut nuunneqarnerat aallartittarpoq. Tamassumani meeqqerivinni inissaqalartarpoq, nikerartinneqarnerillu taamaalillutik aallartittarlutik. Meeqqanik meeraaqqerivinniittunik meeqqerivinnut nuunneqarnissamut piareeqqasoqartarpoq, taamaalillunilu meeraaqqerivinni meeqqanut utaqqisunut inissamik neqerooruteqarnissamut inissaqartitsilertarluni. Taamatut ingerlasoqartarnera ukiut tamaasa misigineqartarpoq.

Meeraaqqerivinnut utaqqisunut allattuivik pillugu tabeli ataani takutinneqarpoq, kingusinnerusukkullu meeqqerivinnut utaqqisunut allattuivik pillugu tabeli takutinneqassaaq.

Meeqqat qaammatinik pingasunik utoqqaassuseqaleraangamik meeraaqqerivinnut utaqqisunut allattuivimmut allatsissinnaapput arfinilinnillu qaammateqaleraangamik aallartissinnaasarlutik. Meeqqat meeqqerivinni aallartissinnaasutut nalilerneqarunik ukiunik marlunnik qaammatinillu qulinik utoqqaassuseqaleraangamik meeqqerivimmi aallartinnissaminnut nalilerneqartarput.

Meeraaqqerivinnut 1. aprili 2019 utaqqisunut allattuivik

Illoqarfik	Meeqqat utaqqisunut allattuivimmiittut 1. aprili '19 amerlassusaat.	Meeqqat 2019-imi inunngortut utaqqisunut allattuivimmutsuli allatsinngitsut amerlassusaat.	Meeqqat 1. aprili inissamik tunineqarnissamik piareersimasut amerlassusaat.	Meeqqat B-t* 2,9-nik ukioqalernikut ukiui naapertorlugit piareersimasut, meeqqerivimmulli piareersimangitsutut nalilerneqartut.	Meeqqat B-t meeraaqqerivimmit meeqqerivimmut 2019-ip ingerlanerani nuuttussat sinnerirutut amer-	Meeraaqqerivinni inissat maannakut inuttaqanngitsut
------------	---	--	---	---	--	---

					lassusaat.	
Nuuk	60	61	34	33	77	7
Tasiilaq	43	6	23	3	6	0
Ittoqqortoormiit	5	3	4			
Paamiut	3	5	0			

*Meeqqat B-t tassaapput meeqqat meeraaqqerivinniittut ukiutik pissutigalugit meeqqerivimmuut nuuttussat.

Nuuk

Tabelimi apriliip aallaqqaataani 2019 maannakkut kisitsisit Meeqqanut Atuarfeqarnermullu Ingerlatsiviup pissarsiassaatai tunngavigineqarput. Taakku meeqqat meeraaqqerivinnut nuuttarnerat meeraaqqerivimmiikkunnaarnerallu malillugu ingerlaavartumik allanngorartarput. Taamaammat nalilersuineq ataaniittoq kisitsisinik apriliip aallaqqaataani 2019 pissarsiarineqarsinnaasunik siusinnerusukkullu qanoq isikkoqarnikuunerinik tunngaveqarpoq.

Nuummi siumut naatsorsuineq

Kisitsisit qulaaniittut kisiisa allaavigineqassappata, Nuummi meeqqat sisamat 2019-ip naanerani meeraaqqerivinni inissaqassanngillat.

Meeqqat Nuummi inunngortartut amerlassusaat ukiut arlallit ingerlaneranni allanngorarnikuunngilaq, qaammammut agguaqatigiissillugu 20-t missaat inunngortarput. Tamanna allaavigalugu apriliip, maajip, juunillu ingerlaneranni meeqqat 60-it inunngortut kingusinnerpaamik qaammammi decembarimi 2019 utaqqisut allattuiviannut allatsissinnaapput. Tamassuma saniatigut meeqqat arlallit Nuummut nuuttussat, inunngortunik naatsorsueqqissaarinermit ilanngunneqanngillat. Missingersuilluni nalilersuineq tunngavigalugu meeqqat qulit missaaniittut ukiumut Nuummut nuuttarput. Kisitsisit taakku tunngavigalugit nalilernerqarpoq meeqqat 74-it meeraaqqerivinni 2019-ip naanerani inissaqassanngillat. Kisitsisit qaffasinnerusinnaapput appasinnerusinnaallutillu, tassa siumut naatsorsuineq missingersuinerinik tunngaveqarmat. Tamassuma saniatigut meeqqanik B-nit 77-iusunit qassit ukiup naanerani nuunneqartussatut ilimagineqartut ilanngunneqanngillat.

Siumut naatsorsuinerit ukiut siuliini utaqqisunut allattuivinnut sanilliukkaanni assigiipjaarput. Ukiuni kingullerni sisamani ukiut naaneranni meeqqat 74-it missaaniittut utaqqisunut allattuivimmiittarnikuupput.

Meeqqat utaqqisunut allattuivimmiittut saniatigut aamma ilinniartut utaqqisunut allattuivinnut nalunaarsorneqarneq ajortunik meeraqarput. Taakku ilinniartuunermet tunngaviit

eqqortinneqaraangata inissamik ingerlaannaq tunineqartarput. Ilinniagaqartut amerlanersaat ilinniarfimiillutik maaniittarput.

Tasiilaq

Tasiilami inunngortartut ukiuni kingullerni amerleriarnikuupput. Tasiilami meeqqat 0-6 ukiullit maannakkut katillugit 220-upput. Meeqqat inunngortartut 2014-imiit 2018-imut 74 %-inik amerleriarnikuupput.

Ataatsimoortitsilluni ini Pingajeqqad pilersinneqarnerata kingorna meeqqat 2,5-iit ukiullit 13-it tassunga nuunneqarnikuupput. Taamatut aaqiigallarnermut atatillugu aamma meeqqat 13-it meeraaqqerivimmuut utaqqisunut allattuivimmuut ilanngunneqarnikuupput.

Tasiilami siumut naatsorsuineq

Tasiilami qaammammut agguaqatigiisillugu meeqqat pingasut inunngortarput, taamaalillunilu meeqqat qulingiluat missaat apriliimi, maajimi juunimilu inunngortut kingusinnerpaamik decembarip qaammataani utaqqisunut allattuivimmuut allatsissinnaapput. Tasiilamut nuuttut tassangaaniillu nuuttut killiffiat amerlaqatigiingajapput, taamaammallu meeqqat utaqqisunut allattuivimmiittussat ilimagineqartut ilanngunneqanngillat. Qulaaniittut tunngavigalugit missingersorneqarpoq meeqqat meeraaqqerivimmiittussat 39-t missaaniittut meeraaqqerivinni 2019-ip naanerani inissaqassanngitsut. Siumut naatsorsuineq nassuiaammut januaarip naanerani 2019 suliarineqartumut naapertuuppoq.

Apriliip aallaqqaataani 2019 meeqqerivinnut utaqqisunut allattuivimmiittut

Illoqarfik/Nunaqarfik	Meeqqat apriliip aallaqqaataani utaqqisunut allattuivimmiittut amerlassusaat.	Meeqqerivinni inissat maannakkut inuttaqanngitsut amerlassusaat.	Meeqqat AKO/SPO-mut suli nuunneqanngitsut amerlassusaat
Nuuk	7	69	34
Tasiilaq	0	18	5

Nuuk

Nuummi meeqqerivinni inissat inuttaqanngitsut maannakkut 62-iupput. 1. klassissat 34-t kingusinnerpaamik 15. august AKO-mut nuunneqarpata inissat 96-it inuttaqassanngillat. Meeqqanut B-nit 103-usunut 33-t ukioqqortussutsimikkut meeqqerivimmuut nuunnissamut piareeqqapput, nuunneqarnissamulli piareersimasutut suli nalilerneqaratik. Perorsaanermi sulisut naliliipput. Meeqqat B-t 33-t taakku qaammatip ataatsip marlulluunniit ingerlaneranni nuunneqarnissaat ilimagineqarsinnaavoq. Meeqqat B-t 77-it sinneruttut 2019-ip ingerlanerani nuunneqarnissamut ukioqqortussutsimikkut piareersimapput.

Tasiilaq

1. klassissat SPO-mut nuunneqarpata meeqqallu B-t tamarmik nuunneqareerpata meeqqerivinni inissat katillugit 17-it inuttaarutissapput, tassa meeqqat arfinillit utaqqisunut allattuivimmiissapput.

Nunaqarfinni aaqqissuussinerni utaqqisunut allattuivik

Illoqarfik/Nunaqarfik	Meeqqat 1. aprili 2019 utaqqisunut allattuivimmitut amerlassusaat	Inissat inuttaqangitsut amerlassusaat	1, klassingortussat amerlassusaat	Meeqqat b-nngortussat	Meeqqat 2019-imi 4/4-mi inunngortut	Meeqqat utaqqisunut allattuivimmi allatsissimannngitsut amerlassusaat
Angerlarsimaffimmi paarsisarneq QEQE 0-6 ukiullit	0	3	1		2	4
Angerlarsimaffimmi paarsisarneq Kapisillit 0-6 ukiullit	0	1	1		0	1
Angerlarsimaffimmi paarsisarneq Arsuq 0-6 ukiullit	0	4	1		0	1
Angerlarsimaffimmi paarsisarneq Kulusuk 0-6 ukiullit	4	0	7		0	10
Nunaqarfimmi neqeroorut Kuummiut 3-6 ukiullit	1	3	4		1	1
Nunaqarfimmit neqeroorut Isertoq 3-6 ukiullit	0	7	1		2	0
Nunaqarfimmi neqeroorut Tiilerilaaq 3-6 áukiullit	1	8	1		0	0
Nunaqarfimmi neqeroorut Sermiligaaq 3-6 ukiullit	2	0	2		0	3
Angerlarsimaffimmi paaqqinnittarneq Nuuk 0-6 ukiullit	3	2		1		

Aaqqiissutissatut siunnersuut –suliatigut naliliineq

Nuuk

Soorlu qulaani allaaserineqartoq Nuummi ulluunerani paaqqinnittarfinni inissat amigaataaneri ajornartorsiutaasorujussuuvoq. Ajornartorsiut aaqqiivigisinnaajumallugu Meeqqanut Atuarfeqarnermullu Ingerlatsivik naliliivoq paaqqinnittarfinnik amerlanerusunik sanaartornissaq

pisariaqartoq. Tamassuma pisariaqarnerata Meeqqanut Atuarfeqarnermullu Ingerlatsiviup isumaqarneranut pissutsit pingasuupput.

1) Paaqqinnittarfinni inissat maannakkutut amerlatigitillugit pingaartumik meeraaqqerivinnut utaqqisoqarpoq, inissanillu qulakkeerinninnissamut neqerooruteqartoqarsinnaanani.

2) Nuummut siunissami nuuttussat amerlassusaannik taamatut ilimasuuteqartoqartillugu meeqqat taamatut ukioqartut amerliartussagunarput.

3) Maannakkut paaqqinnittarfiusunit arfinillit ukiut arlaqanngitsut ingerlaneranni isatertariaqalersussatut isigineqarput.

Nuummi paaqqinnittarfiit arfinillit isaterneqassasut matuneqassasullu pilersaarutaavoq, tamassumalu saniatigut paaqqinnittarfiit nutaat arfinillit sanaartorneqassasut pilersaarutaavoq.

Paaqqinnittoqarfitoqqanik isaterinermi nutaanillu sanaartornermi pilersaarusiortoqassaaq suliat taamaalillutik ingerlaqatigiissallutik. Tamassuma kinguneraa paaqqinnittarfimmik nutaamik sanasoqarpat tassunga peqatigitillugu paaqqinnittarfinit isateriaannarnit ataaseq marlulluunniit isaterneqassapput/matuneqassapput. Paaqqinnittarfik ataasiussanersoq marluussanersulluunniit paaqqinnittarfiup nutaap qanoq angitiginissaa apeqqutaavoq. Nutaamik sanaartornermi inissat pigineqartut taarsiinnarneqassanngillat, aammali meeqqanut utaqqisunut allattuivimmiittunut inissanngortinneqarsinnaasunik nutaanik pilersitsisoqassalluni.

Tamanna isumaqarpoq, paaqqinnittarfinnik nutaanik sanaartornissaq imatut pilersaarusiorneqassasoq paaqqinnittoqarfinnik nutaanik sanaartortoqartillugu paaqqinnittarfitoqqat atorunnaarsikkiartortinneqassallutik. Tamassuma aamma kingunerissavaa, Nuummi paaqqinnittarfinni inissat amerlassusaat tamarmiusut amerliartortinneqassasut.

Paaqqinnittarfiit arfinillit ataaniittut paaqqinnittarfinnik nutaanik sanaartorneq peqatigalugu isaterneqassapput matuneqarlutilluunniit.

Suunera:	Paaqqinnittarfik	Meeqqat amerlassusaat
VUG	Amaat	35
VUG	Ajaaja	35
BHV	Ernutaq	35
BHV	Sisi	30
BHV	Najaaraq	45
INT	Ungaaq	72
	Katillugit	252

Siorarsiorfik – Nuuk City Development pilersaaruteqarpoq Nuummi paaqqinnittarfinnik nutaanik ukuninnga ukiut arlaqanngitsut aggersut ingerlaneranni sanaartortoqassasoq:

Suunera:	Paaqqinnittarfik	Naamassinissaa ilimagineqarpoq	Init amerlassusaat	Meeqqat amerlassusaat
INT	Ulluunerani paaqqinnittarfik A	2022 aallartinnerani	8	120
INT	Ulluunerani paaqqinnittarfik B	Kvartalit siullianni 2021	6	88
INT	Ulluunerani paaqqinnittarfik C	Kvartalit pingajuanni 2021	6	88
INT	Ulluunerani paaqqinnittarfik D	Kvartalit siullianni 2022	6	88
INT	Ulluunerani paaqqinnittarfik E	Kvartalit pingajuanni 2022	6	88
INT	Ulluunerani paaqqinnittarfik F	Kvartalit siullianni 2023	6	88
	Katillugit			560

Paaqqinnittarfinni inissanik amigaateqarnermik ajornartorsiut aaqiiviginiarlugu inissanillu qulakkeerinnissinnaajumalluni periarfissaq alla tassaasinnaavoq paaqqinnittarfiugallartussanik utaqqiisaasumik illunik sanaartorneq. Aaqqiissumullu tassunga tunngatillugu, aaqqiissut taanna illunik piujuartunik sanaatornermut sanilliullugu akikinnerunaviarunangilaq.

Paaqqinnittarfiugallartunik sanaatornerup saniatigut pinnguartarfilinnik silamiiffusinnaasunik pilersitsisoqassaaq, tamassumalu saniatigut illuugallartoq piujuartinneqaleriaannaapput.

Illuugallartuni meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaanni nr. 16, 3. december 2012-meersumi § 12-mi inatsisitigut piumasaqaatit suli malinneqassapput

Nuummi inissanik qulakkeerinninnermut piffissaritinneqartoq

Meeqqanut Atuarfeqarnermullu Ingerlatsiviup ilimagaa Nuummi inissanik qulakkeerinninnissaq ukiut sisamat qaangiuppata neqeroorutigineqarlersinnaasoq. Qaqugu inissanik qulakkeerinnilernissap neqeroorutaalernissaanik nalilersuineq pissutsinik arlalinnik naatsorsuineramik tunngaveqarpoq:

- Meeqqat qaammatit arfinilinniit arfinilinnik ukiullit tikillugit amerlassusaannik naatsorsuineq (maannakkut siunissamilu).
- Inunngortut amerlassusaat (tassani ilimagineqarluni inoorlaat massakkutut amerlassuseqassasut)
- Illoqarfimmut nuuttut amerlassusaat (tassani ilimagineqarluni illoqarfimmut nuuttut massakkutut amerlassuseqassasut).
- Nuummi paaqqinnittarfinni inissat maannakkut amerlassusaat (kommunip namminersortullu paaqqinnittarfii).
- Paaqqinnittarfinnik pisoqqanik isaterinermut matusinermullu pilersaarut.

- Paaqqinnittarfinnik nutaanik sanaartornissamut pilersaarut.

Nalilersuineq missingersuinernik siumullu naatsorsuinernik arlalinnik nalorninartoqartunik imaqarpoq.

Tasiilaq

Tabelimi meeqqat 2014-imiit 2018-imut ukiumut inunngortartut amerlassusiisa allanngorarnertat takutinneqarpoq.

Illoqarfik	2014	2015	2016	2017	2018
Tasiilaq	27	27	34	54	47

Soorlu siusinnerusukkut allaaserineqartoq Tasiilami ukiuni kingullerni inunngortartut amerleriarnikuupput. Meeqqat amerlinerat paaqqinnittarfinni inissat amigaataalernerannik kinguneqarpoq, maannakkut ineriartornerlu ingerlaannassappat siunissami. Soorlu qupperneq 2-mi tabeli 1-imi takuneqarsinnaasoq, Tasiilami meeqqanut nukarlernut meeraaqqerivinniittussatut ukioqartunut inissat amigaatigineqarput. Taamaattumik meeqqanut nukarlernut inissanik amerlanernik pilersitsinissamik pisariaqartitsisoqarpoq.

Meeqqanut Atuarfeqarnermullu Ingerlatsiviup ilimagaa, Tasiilami angerlarsimaffimmi paaqqinnittarnermut akuersisarnermi inatsisitigut piumasaqaatit illuni arlalinni eqqortinneqanngitsut, tak. Meeqqanut suli atualinngitsunut perorsaaniikkut ineriartuutaasunik ulluunerani neqeroorutit pillugit Inatsisartut inatsisissaanni nr. 16, 3. december 2012-meersumi § 12-imi. Taamaammatt Meeqqanut Atuarfeqarnermullu Ingerlatsivik inassuteqaateqarpoq ulluunerani paaqqinnittarfeqarfimmik pilersitsisoqassasoq, tassunga ulluunerani paaqqinnittartut ullaat tamaasa takkuttassallutik.

Meeqqanut Atuarfeqarnermullu Ingerlatsivik naliliivoq ulluunerani paaqqinnittarfirmi angerlarsimaffimmi paaqqinnittarneq tallimanut-arfinilinnut taamaalillunilu meeqqanik 0-6 ukiulinnik 24-nik paaqqutarineqarnissaannut inissaqassasoq. Tamanna 2020-mi missingersuusiornermut isumaqatigiinniutigineqarnerannut siunnersuutaassaaq.

Ittoqqortoormiit

Ittoqqortoormiini meeqqat sisamat meeraaqqerivimmu/ angerlarsimaffimmi paaqqinnittartumut utaqqisunut allattuivimmiipput. Meeqqat meeqqerivimmiittut arfinillit atuarfimmuut aasamut nunneqarpata paaqqinnittarfirmi meeqqanut nutaanut inissaqalissaaq. Ittoqqortoormiini meeqqat katillugit 38-t 0-6 ukioqarput.

Ittoqqortoormiini utaqqisunut allattuivimmiinnermut tunngatillugu siusinnerusukkut ajornartorsiuteqarnikuunngilaq, aammalu Meeqqanut Atuarfeqarnermullu Ingerlatsiviup ilimaginngilaa ulluunerani paaqqinnittarfinnut inissanut utaqqisuniittoqarnissaa siunissami ajornartorsiutaalerumaartoq. Siunissami pisariaqartitsisoqartoq paasinarsissapput Meeqqanut Atuarfeqarnermullu Ingerlatsivik naliliivoq angerlarsimaffimmi paaqqinnittartut ataatsimik ilasariaqassasut.

Paamiut

Paamiuni utaqqisunut allattuivimmiittoqanngilaq.

Nunaqarfiit

Nunaqarfinni angerlarsimaffimmi paaqqinnittartoqarpoq ulluuneranilu paaqqinnittarfeqarluni, tassani sulisut amerlassusaat pisariaqartitsineq malillugu Meeqqanut Atuarfeqarnermullu Ingerlatsiviup aaqqiivigisarpai.

Aningaasaqarnermik isumalluuteqarnermillu naliliineq

Ilisimatitsilluni suliamik saqqummiinermi uani siunnersuutit 2020-mut missingersuutit isumaqatiginiutigineqarnissaannut MA-mut ingerlatsiviup inassuteqaataanut ilaassapput.

Inatsisitigut tunngavissaq allakkallu tunngaviusumik uppersaatitallit

Meeqqanut sulit atualinngitsunut perorsaanikkut ineriartuutaasunik ulluunerani neqeroorutit pillugit Inatsisartut inatsisissaat nr. 16, 3. december 2012-meersoq.

Ingerlariaqqinnissaq

Tasiilami ulluunerani paaqqinnittarfimmik pilersitsinissaq pillugu siunnersuut 2020-mut missingersuutini saqqummiunneqassaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

- Nuummi Tasiilamilu paaqqinnittarfinni inissat amigaataaneri pillugit innuttaasunit ingerlaavartumik saaffiginnittoqartarpoq.

Ingerlatsivinniit allaniit oqaaseqaatigineqartut

Sanarfinermut Avatangiisinullu Ingerlatsivimmiik oqaaseqaatigineqarpoq ulluunerani paaqqinnittarfissat nutaat taavalu illut taarseneqartariaqartut qaqugukkut aallartisarneqassanersut ullulersorneri eqqortuusut.

Ilannangussat

Soqanngilaq

IMMIKKOORTOQ 05C: 17/18-imi ukiumi atuarfiusumi atuarfiit pitsaassusii pillugit nalunaarusiaq

Beslutning

Inassuteqaatit akuerineqarput

Ilanngussat

Bilag 1. Skolernes-fælleskvalitetsrapport-KAL.docx

Bilag 2.. Kval rapport AHL-.docx

Bilag 3. Kval rapport - Arsuk - (2) - Kopi.docx

Bilag 4. Kval rapport ASK - Kopi.docx

Bilag 5. Kval rapport - Tuisaaq.docx

Bilag 6. Kval rapport Kang..docx

Bilag 7. Kval rapport Nuussuup.docx

Bilag 8. Kval rapport Tasiilami Alivarpia.docx

Bilag 9. kval rapport USK - Kopi.docx

Bilag 10. Kval rapport Isertoq (1) - Kopi.docx

Bilag 11. Kval rapport Kapisillit.docx

Bilag 12. Kval rapport Kulusuk.docx

Bilag 13. Kval rapport Kuumiut.docx

Bilag 14. Kval rapport - Qeqertarsutsiaat - (1).docx

Bilag 15. Kval rapport Sermiligaap Alivarpia.docx

Bilag 16 Kval rapport Tiilerilaaq.docx

Bilag 17. Kval Ittoqortoormiit.docx

17/18-imi ukiumi atuarfiusumi atuarfiit pitsaassusii pillugit nalunaarusiaq

Ilisimatitsissut

J.nr.: 51.00-G01-435-18

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Atuarfiit pitsaassuseq pillugu nalunaarusiaat kiisalu ingerlatsiviup atuarfiit pitsaassusii pillugit ataatsimut nalunaarusiaa Meeqqanut Atuarfeqarnermullu Ataatsimiititamut matumuuna saqqummiunneqarput. Atuarfiit pitsaassuseq pillugu nalunaarusiaat Atuarfik pillugu Inatsisartut inatsisaat nr. 15, 3. december 2012-imeersoq § 49 naapertorlugu suliaapput, atuarfiit ukioq atuarfiusoq kingulleq nalunaarusiarisartagaannik imaqarlutik Tamatuma saniatigut ingerlatsivik atuarfiit pitsaassusii pillugit ataatsimut nalunaarusiornikuuvoq, atuarfiit pitsaassuseq pillugu nalunaarusiaanni pingaernerit naatsumik eqikkaarneqarnerannik imaqartoq.

Inassuteqaatit

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Ilisimatitsissut tusaatissatut tiguneqassasoq.
- Ilisimatitsissut Aningaasaqarnermut Inuussutissarsiornermullu Ataatsimiititamut kommunalbestyrelsimullu ingerlateqqinneqassasoq

Suliassamik saqqummiussineq

Atuarfiit pitsaassuseq pillugu nalunaarusiaat Atuarfik pillugu Inatsisartut inatsisaat nr. 15, 3. december 2012-imeersoq § 49 naapertorlugu suliaapput, atuarfiit ukiumi atuarfiusumi kingullermi alloriarfinni misilitsinnermi aamma inaarutaasumik misilitsinnermi angusat, iliuusissamik pilersaarutit il.il. nalunaarusiarisartagaannik imaqarlutik Tamatuma saniatigut ingerlatsivik atuarfiit pitsaassusii pillugit ataatsimut nalunaarusiornikuuvoq, atuarfiit pitsaassuseq pillugu nalunaarusiaanni pingaernerit naatsumik eqikkaarneqarnerannik imaqartoq.

Atuarfiit ilaat 17/18-imi ukiumi atuarfiusumi ingerlatsiviup qulequtsiussimasaata ilaannik suliniuteqarsimanermik taakkulu tunngavigalugit 18/19-imi ukiumi atuarfiusumi anguniagassalorsimanermik allaaserinnissimapput. Pitsaassuseq pillugu nalunaarusiaq aamma ukiup atuarfiusup siuliani anguniagaasimasunik nanginneqarsimasunut tunngasunik kiisalu ukiumi atuarfiusumi anguniagaasunik imaqarpoq.

Tamatuma saniatigut alloriarfinni misilitsinnerit aamma inaarutaasumik misilitsinnermi karakterit atuarfinit qitiutinneqarput.

Atuarfiit pitsaassuseq pillugu nalunaarusiaanni aamma takuneqarsinnaavoq atuartut soraarummeertut ilinniagassamik inuussutissarsiuteqarnissamilu toqqaasarnerat. Tassani takuniqarsinnaavoq kissitsisit atuartut soraarummeertut ilinniakkamik aallartinningsut 4 procentpoint-mik apparsimasut siornamut 2017-mut naleqqiullugit. Tassani ilisimatitsissutigissavarput atuartut soraarummeertut ilinniakkamik aallartinningsut akornanni aamma suliffillit taavalu oqaatsit pillugit angalasussat ilaammata. 2017-mi atuartut soraarummeertut ilinniakkamik aallartinningsut 38 % - put 2018-milu 34 %-ullutik.

Kommunip atuarfiini tamani ilinniartitsisut ilinniarsimangitsut ikileriarsimapput. Ukiuni atuarfiusuni kingullerni sisamani allanngoriartorneq skiimap matuma kinguliini takuneqarsinnaavoq.

Ukioq atuarfiusoq:	Ilinniartitsisut ilinniarsimasut	Nukarlerni ilinniartitsisut	Timelærerit	Katillugit
2014/2015	84,94 % (299)	5,4 % (19)	9,7 % (34)	352
2015/2016	85,91 % (311)	5 % (18)	9,12 % (33)	362
2016/2017	88,92 % (305)	2,33 % (8)	8,75% (30)	343
2017/2018	91,39 % (329)	0,83 % (3)	7,5 % (27)	360

Aaqqiissutissatut siunnersuut – suliatigut naliliineq
Soqanngilaq

Aningaasatigut sulisoqarnikkullu naliliinerit
Soqanngilaq

Inatsisitigut tunngavissaq allakkallu tunngaviusumik uppersaatitalit
Atuarfik pillugu Inatsisartut inatsisaat nr. 15, 3. december 2012-imeersoq § 49

Ingerlariaqqinnissaq
Soqanngilaq

Aningaasaqarnermut Allatseqarfimmit oqaaseqaatit
Aningaasaqarnermut Allattoqarfimmit oqaaseqartitsisoqarsimangilaq.

Innuttaasunik peqataatitsineq/attaveqaqatigiinneq
Innuttaasunik peqataatitsinertaqanngilaq

Ingerlatsivinniit allaniit oqaaseqaatigineqartut
Soqanngilaq

Ilanngussat

- 1 Ataatsimut pitsaassutsimik nalunaarussiaq qall./kal.
- 2 Pitsaassutsimik nalunaarussiaq AHL
- 3 Pitsaassutsimik nalunaarussiaq Arsuq
- 4 Pitsaassutsimik nalunaarussiaq ASK
- 5 Pitsaassutsimik nalunaarussiaq Tuiisaaq
- 6 Pitsaassutsimik nalunaarussiaq Kang
- 7 Pitsaassutsimik nalunaarussiaq Nuussuup
- 8 Pitsaassutsimik nalunaarussiaq Tasiilaq
- 9 Pitsaassutsimik nalunaarussiaq USK
- 10 Pitsaassutsimik nalunaarussiaq Isertoq
- 11 Pitsaassutsimik nalunaarussiaq Kapisillit
- 12 Pitsaassutsimik nalunaarussiaq Kulusuk
- 13 Pitsaassutsimik nalunaarussiaq Kummiit

- 14 Pitsaassutsimik nalunaarusiaq Qeqartarsuatsiaat
- 15 Pitsaassutsimik nalunaarusiaq Sermiligaaq
- 16 Pitsaassutsimik nalunaarusiaq Tiilerilaaq
- 17 Pitsaassutsimik nalunaarusiaq Ittoqqortoormiit

IMMIKKOORTOQ 05D: Aalisakkanik sapigalinnut meeqqerivimmik aalisagartorfiunngitsumik pilersitsineq

Beslutning

Siunnersuut akuerineqarpoq, suliarlu inaarutigalugu Aningaasaqarnermut Inuussutissaqarnermullu Ataatsimiititamut Kommunalbestyrelsimullu akuerisassanngorlugu ingerlateqqillugu.

Aalisakkanik sapigalinnut meeqqerivimmik aalisagartorfiunngitsumik pilersitsineq

Aalajangiiffigisassaq

J.nr.: 28.00.00-G01-29-19

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Meeqqerivimmik nerisassiornikkut aalisakkanik nerisassiortoqarfiunngitsumik pilersitsinissaq Meeqqanut Atuarfeqarnermullu Ingerlatsivimmit siunnersuutigineqarpoq.

Tamanna meeqqat arlallit aalisakkanik sapigaqarnerannik peqquteqarpoq, aamma ataatsimik meeraqarpoq aalisakkat nerisassiaralugit suliarineqarnerini proteinii timaata qisuariarfigisagaanik. Timata qisuariatarnera silaannarissaanikkut iluarsineq ajorpoq. Aamma immikkut ittuni ima pisoqarsinnaasarpog, meeqqat allat ippassaammat angerlarsimaffimminni aalisagartorsimappata aqaguani meeqqap taassuma qisuariarfigissavaa.

Meeraq aalisakkat proteininik pinaveersaartinniarlugu meeqqerivimmik aalisagartorfiunngitsumik pilersitsisoqarnissaa Meeqqanut Atuarfeqarnermullu Ingerlatsiviup siunnersuutigaa.

Inassuteqaat/Inassuteqaatit

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut aamma Aningaasaqarnermut Ataatsimiititamut inassuteqaatigaa

- meeqqerivimmik aalisagartorfiunngitsumik pilersitsisoqarnissaa siunnersuutigineqartoq akuerineqassasoq.
- suliaq Aningaasaqarnermut Inuussutissarsiornermut Ataatsimiititamut Kommunalbestyrelsimullu inaarutaasumik akuersissutigisassanngorlugu ingerlateqqinneqassasoq.

Suliassamik saqqummiussineq

Meeqqerivimmik aalisagartorfiunngitsumik pilersitsisoqarnissaa kissaatigineqarpoq pissutigalugu aalisakkanik allaanerusumik sapigaqartut paarilluarneqarnissaat angunekarussukkami. Matumani meeqqat sapigaqaraluartulluunniit ukioqatigisamisulli assigiimmik neqeroorfigineqarnissaat peqqutaavoq. Meeqqeriviliartarnikkut ukioqatigisat peqatigalugit ineriartornissaq periarfissaavoq, taamaaliornikkut meeqqat inooqatigiinnertik suliaqartarnertillu siuariartuutigisavaat.

Aalisakkat pinngitsuinnissaat ajornakusoorsinnaavoq, tassami sulisut imaluunniit meeqqat allat ulloq sioqqullugu aalisagartornissaat inerteqqutigineqarsinnaannginnami. Aamma angajoqqaat aalisakkanik passussisimasut meeqqerivimmut meeqqaminnik aallernissaat inerteqqutigineqarsinnaanngilaq.

Aalisakkanik sapigaqartut qaqutigoortorujussuupput.

Aalisakkani sapigarineqartut sananeqaatit proteinit uunartumut patajaatsuupput kissanneqarnerinilu qaqutigut ajortinneqarsinnaallutik. Ilaanni aalisakkat qalaartinneranit aalai imaluunniit atisamat pisimasut peqqutaallutik aalisakkanik sapigalinnut malunniuteqarsinnaasarpot. Meeqqanut Atuarfeqarnermullu Ingerlatsivimmit nunap immikkoortuani nakorsaq attavigineqarpoq taassumalu oqaatigaa uppersarsarlugu aalisakkat proteinii sakkortuumik sapigalinnut timikkut

qisuariarfigineqartartut, aamma Nuummi inoqartoq sapigaqarneri sakkortungaaramik aalisakkat proteinii atisamiittut timimikkut qisuariarfigisarlugit.

Aningaasatigut sulisoqarnikkullu nalliiinerit

Pitsaanngitsumik kingunerisassaqaqngilaq, taamaattoq ima kinguneqarsinnaavoq inuit taamatut sapigaqartut ataavartumik tapersersornissaat pinngitsoorneqarsinnaasassasoq.

Inatsisitigut tunngavissaq allakkallu tunngaviusumik uppernarsaatitallit

Soqaqngilaq.

Ingerlariaqqinnissaq

Meeqqanut Atuarfeqarnermullu Ingerlatsiviup inassuteqaatigaa meeqqeriveerannguaq Meeqqat aalisagartorfiujunnaasassasoq.

Aningaasaqarnermut Allatseqarfimmit oqaaseqaatit

Tusarnianeqaqngillat.

Innuttaasunik peqataatitsineq/attaveqaqatigiinneq

Aalisakkanik sapigalinnut meeqqerivimmik pilersitsinissaq pillugu Meeqqanut Atuarfeqarnermullu Ataatsimiititap akuersissuteqareerneratigut atuisunik ataatsimiititsinikkut eqqartueqatigiittoqassaaq.

Innuttaasunik peqataatitsineq/attaveqaqatigiinneq

Soqaqngilaq.

Ilanngussat

Soqaqngilaq

IMMIKKOORTOQ 05E: ”Ilinniagaqartut meerallit paaqqinnittarfinni meeqqatik paaqqinnittarfinniitinnissaannut pitsaannginnerusumik inissisimatinneqarnissaat, ilinniagaqartup inooqataata atorfeqarnera piinnarlugu” siunnersuut.

Beslutning

Inassuteqaatit akuerineqarput

”Ilinniagaqartut meerallit paaqqinnittarfinni meeqqatik paaqqinnittarfinniitinnissaannut pitsaannginnerusumik inissisimatinneqarnissaat, ilinniagaqartup inooqataata atorfeqarnera piinnarlugu” siunnersuut.

Kommunalbestyrelsimi ilaasortat Siumut gruppiata Kommunalbestyrelsimut siunnersuutaat

Aalajangiiffigisassaq

J.nr.:44.02.10.01

Meeqqanut Atuarfeqarnermullu Ingerlatsivik – pisortaq Helene B Berthelsen / HEBE

Suliap eqikkarnera:

Meeqqanut Atuarfeqarnermullu Ingerlatsivik Kommunalbestyrelsimi ilaasortanit Siumut gruppiant siunnersuummik tigusaqarpoq:

- Ilinniagaqartut meerallit paaqqinnittarfinni meeqqatik paaqqinnittarfinniitinnissaannut pitsaannginnerusumik inissisimatinneqarnissaat, ilinniagaqartup inooqataata atorfeqarnera piinnarlugu

Meeqqanut Atuarfeqarnermullu Ingerlatsivik Ilinniartitaanermut, Kultureqarnermut, Ilageeqarnermut Nunanullu allanut tunngasunut Naalackersuisoqarfimmu apeqquteqaammik nassiussivoq, Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq pillugu § 9-ip nassuiaataa meeqqat utaqqisuniittut tulleriinnilersornerannut pingaarnersiuneq pillugu imaqartumik.

Ingerlatsiviup apeqquteqaammini aamma apeqqutigaa, taamani Namminersorerullutik Oqartussanit piumasaqaataasut Kommunalbestyrelsimi septembarip ulluisa 5-t 2018 akuersissutigineqartut, ilinniartoq tassaassasoq kisermaa imaluunniit aapaariittut tamarmik ilinniartut oqaaseqatigiit imatut allangortinneqarsinnaanersut imaalillugit, ilinniagaqartut tamarmik qanorluunniit inissisimagunik paaqqinnittarfinni inissanut 110-nut ilinniagalinnut immikkoortinneqartunut ilangussinnaassasut.

Naalackersuisoqarfimmiit akissuteqaat ilaatigut ima nipeqarpoq, meeqqat suli atualingitsut pillugit inatsimmi § 9 kisiat malillugu pingaarnersiuneq ingerlanneqassasoq. Kiisalu tunniussinermi isumaqatigiissut aalajangiussa atuuassasoq 1989-imiit tunniussinermi piumasaqaataasut tassaaginnartut, nalornissuteqarnermi taamaallaat Inatsisitigut nassuiaassutitut ilangussatut atorneqarsinnaasut. Kiisalu apeqqummut tunngatillugu tamanna qularnangilluinnartoq, Inatsisartut § 9-imi pingaarnersiunerme ersarilluinnartumik allaaserinninnerat pissutigalugu.

Naalackersuisoqarfiup akissuteqaataa innersuussutigalugu, Meeqqanut Atuarfeqarnermullu Ingerlatsiviup innersuussutigaa, ilinniagaqartunut suliame pineqartunut maannakkumut suleriuseq atuutiinnassasoq.

Inassutigineqartoq

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassutigaa:

- Maannakkumut suleriuseq atuutiinnassasoq, kiisalu
- suliaq Aningaasaqarnermut Inuussutissarsiornermullu Ataatsimiititamut Kommunalbestyrelsimullu aalajangiiffigisassanngorlugu ingerlatinneqassasoq

Suliamik saqqummiussineq

Kommunalbestyrelsimi Siumut gruppiant ilaasortat siunnersuummik nassiussippu ilinniagaqartut meerallit inooqataata atorfeqarnera piinnarlugu, paaqqinnittarfinni meeraasa paaqqinnittarfinniitinnissaannut pitsaannginnerusumik inissisimatinneqarnerat pillugu. Siunnersuutip toqqammavia: (Kommuneqarfik Sermersuup nutserneqarnera)

”Sukkulluunniit tapersersortuarparput, ilinniagaqartut meeraat paaqqinnittarfinni inissaqarnissaat. Apeqqutaatinneqassanngilaq, ilinniagaqartup inooqataata atorfeqarnera pillugu qitornani paaqqinnittarfinniitarnissaanut periarfissaqarnissaa. Sutigut tamatigut

erseqqissaatigiuaannarparput, ilinniagallit atugarisaasa pitsanngorsarneqarnissaat pinngaartikkipput. Tamatumani aamma atuuppoq, ilaqutariit ingerlaannartumik tapersorsorneqarnissaat periarfissaasa pitsaanerunissaat pineqartillugit.

Ilinniagallit pingaartillugit politikkikkut suaaruteqarutta pisussaataavugut sapinngisarput tamaat nammataannik oqilisaatissallugit. Aamma sukkulluunniit qulakkeertussaavarput, ilinniagaqartut meerallit atugarisaat pitsaanerpaamik qulakkiissallugit. Taamaattumik pissusissamisuunngilaq, ilinniagaqartoq meeralik tulleriissaarinnermi kingullinngortinneqarnissaa, ilinniagallip inooqataata atorfeqarnera piinnarlugu akerlianilli atugarisaannik kivitsiniarneq pinngaartinneqartussaavoq.

Kommune pisussaataavoq inuit sulisinnaanngitsut ikiussallugit. Immini ajoqtissaqanngilaq, ilinniagalinnit meeraasut paaqqinnittarfinni inissisinneqarnissaat kisianni tassa Siumut isumaqarpoq, pinngaartissagipput, ilinniagallit ilinniakkaminnik naammassinnittut amerlinissaat. Taamaattumittaaq apeqqutaasariaqanngilaq, ilinniagalik atorfilimmik inooqateqarnera, ilinniagalik pisinnaatitaaffeqarpoq, ilinniagallip pisinnaatitaaffii naapertorlugit.

Taamaattumik Siumut gruppiannit siunnersuutigaarput, ilinniagallip pisinnaatitaaffii naapertorlugit qitornami paaqqinnittarfiimmiittarnissaanut aalajangiusimaneqarnissaa apeqqutaatinnaguli ilinniagalik atorfilimmik inooqateqarnera".

Januaarip aallaqqaataani 1989 Nuup Kommuneata ulluunerani paaqqinniffiit Namminersornerullutik Oqartussanit pigineqartut pingasut tiguai, tigusinnermi paaqqinnittarfinni inissat katillugit 110-t ilinniartut meeraannut immikkoortinneqarnissaat pimasagaataalluni Paaqqinnittarfiit pingasut taaneqareersut tiguneqarneranni, aamma siunnersuutaavoq ilinniagaqartoq tassaassasoq kisermaa imaluunniit aapparit tamarmik ilinniartuusut. Kommunalbestyrelsimit siunnersuutit tamarmik akuersissutigineqarput septembarip ulluisa 5-t 1988.

Periusissiaq taamani akuerineqartoq suli ullumikkut atuuppoq. ilinniartut uani pineqartut meeraannut inissat 110-t tamarmik atorneqanngippata, sinneri meeqqanut utaqsisut allattorsimaffianiittunut pingaernerisiuineq § 9 –mi allassimasoq malillugu inersuunneqartarput:

- 1) Ataatsimoortut a: Meeqqat - isumaginninnermut ataatsimiititaliamit innersuunneqartut - immikkut perorsaanikkut pisariaqartitsineritk pissutsilluunniit allat meeqqap inerikkiartorneranik ulorianartorsiorititsisinnaasut pissutigalugit.
- 2) Ataatsimoortut b: Meeqqat meeraaqqerivinniit kommunimiluunniit angerlarsimaffimmi paarsisarfinniit meeqqerivinnut ukiutik pissutigalugit nuuttussat.
- 3) Ataatsimoortut c: Meeqqat suliffeqartunik imaluunniit ilinniartunik kisermaajusunik pilersorneqartut.
- 4) Ataatsimoortut d: Meeqqat pilersuisui tamarmik suliffeqartut imaluunniit tamarmik ilinniagaqartut.
- 5) Ataatsimoortut e: Meeqqanik pilersuisup aappaa suliffeqartoq imaluunniit angajoqqaap aappaa ilinniagaqartoq.
- 6) Ataatsimoortut f: Meeqqat pilersuisui allallu, tassunga ilanngullugit kisimiittut, tamarmik suliffeqanngitsut imaluunniit ilinniagaqartuunngitsut.

Meeqqanut Atuarfeqarnermullu Ingerlatsivik Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoqarfimmu Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq §9-ip nassuiaataa pillugu apeqquteqarpoq. Apeqquteqaammi pineqarpoq, Inatsisip pineqartup §9-ata nassuiaataa qanorpiaq paasineqarsinnaanersoq, kiisalu meeqqanik paaqqinniffinnut isaatitsinnermi, ilinniartut uani pineqartut meerai , inatsimmi pineqartumi §9 unioqquatinngalu salliutinneqarsinnaanersut.

Ingerlatsiviup apeqquteqaammimi aamma apeqqutigaa, taamani tigusinnermut atatillugu Namminersornerullutik Oqartussanit pimasagaataasut Kommunalbestyrelsimit septembarip ulluisa 5-t 2018 akuersissutigineqartut, ilinniartuq tassaassasoq kisermaa imaluunniit aapparit tamarmik ilinniartuusut, taakkua allanngortinneqarsinnaanersut, ilinniagaqartut tamarmik qanorluunniit inissisimagunik paaqqinnittarfinni inissanut 110-nut ilinniagalinnut immikkoortinneqartunut ilanngussinnaalersillugit.

Ilinniartitaanermut, Kultureqarnermut, Ilageeqarnermut Nunanullu allanut tunngasunut Naalakkersuisoqarfik marsip ulluisa 11-t 2019 tassunga imatut akissuteqarpoq:

"Saaffiginnissutinnit takuneqarsinnaavoq, § 9-imi atualertussat pillugit inatsit naapertorlugu immikkut nassuiaanissamut periarfissaqarnissaq pineqartoq, suunuku januaarip ulluisa aallaqqaataat 1989-imi Nuuk kommunianut suliffeqarfiit pingasut tunniunneqarmata Namminersornerullutik Oqartussanit piumasaqaatit aalajangiunneqartut.

Inatsisitigut tunngavigineqartoq tassaavoq, taamaallaat pingaarnersiineq tunngavigalugu meeqqat suli atualinngitsut pillugit inatsit § 9 malillugu iliuseqarnissaq. Tunniussinermi isumaqatigiissumiaalajangiussat tassapput 1989-imi tunniussinermi atugassarititaasut pillugit nalorngissuteqarnermi inatsisitigut nassuiaatinut taamaallaat ila nngunneqarsinnaasut.

§9-mi Kiisalu apeqqummut tunngatillugu tamanna qularnanngilluinnarpoq, Inatsisartut § 9-imi pingaarnersiuinermi ersarilluinnartumik allaaserinninnerat pissutigalugu.

Taamaattumik § 9-imi pingaarnersiineq qimerloorneqartariaqarpoq. Tunniussinermi piumasaqaatit 1989-imeersut allanngortinneqarnissaat patsisissaqanngilaq.

Nalinginnaasumik inatsisitigut maleruagassiat Inatsisartut Inatsisaannit ilusilersugaq Inatsisartunit akuersissutigineqartoq, malittarisassanit pingaarnesuvoq isumaqatigiissutigineqartunut naleqqiullugu. Tamatuma nalinginnaasumik Inatsisitigut nassuiaariaatsini tunngaviit malinneqarput. Allatut oqaatigalugu taamaallaat Inatsisartut Inatsisaat maliinnarneqassaaq assersuutigalugu isumaqatigiissutini aalajangersakkat Inatsimmut naapertuutinngitsut isiginngitsuusaarlugit".

Aaqqiissutissatut siunnersuut – suliatigut naliliineq

Meeqqanut Atuarfeqarnermullu Ingerlatsiviup suliatigut naliliinera imaappoq, suliamut eqqartorneqartumut tunngatillugu tassaasumut, ilinniagaqartussap inooqataata atorfeqarnera patsisigalugu meeqqanik utaqqisunut inissiisarneq allanngortinneqarsinnaanngitsaq, takuuk § 9 Inatsisartut Inatsisaat atuuttoq Naalakkersuisoqarfimmit akissut tunuliaqutigalugu. Tamatumalu kinguneranik ilinniartut suliffilimmik aappallit meeraasa utaqqisunut inissinneqartarnerannut suleriuseq ullumikkut atuuttoq atuutiinnassasoq.

Aningaasaqarnikkut sulisoqarnikkullu naliliinerit
Soqanngilaq

Inatsisitigut tunngavigisat allagaatillu uppersaaitallit

Meeqqanut suli atualinngitsunut perorsaaniikkut inerikkiartuutaasut ulluunerani neqeroorutit pillugit Inatsisartut inatsisaattut siunnersuut nr. 16,3.december 2012-meersoq.

Ingerlaqqinneq
Soqanngilaq

Aningaasaqarnermut Allattoqarfimmit oqaaseqaatit

Aningaasaqarnermut Allattoqarfimmit oqaaseqartitsisoqarsimannngilaq.

Innuttaasunut akuutitsineq/attaveqarneq

Soqanngilaq

Ilanngussat

Soqanngilaq

IMMIKKOORTOQ 6: Taasariaqartut allat

IMMIKKOORTOQ 7: Suliat matoqqasut

IMMIKKOORTOQ 07A: Lukket

IMMIKKOORTOQ 8: Imaqarniliap akuerineqarnera